



ル 5
3386



門 九 五
號 3386
卷 7

輿地紀勝卷第十一

文選樓影宋鈔本

東陽王象之編

甘泉岑

淦 鎔 長生

校刊

兩浙東路

慶元府

明州 四明

奉化郡 奉國軍

鄞州

府沿革

慶元府

望

明州奉化郡奉國軍節度

九域志

沿海制置

使之制

禹貢揚州之域

州自會稽郡分出則宜屬揚州

粵地星紀之

次

春秋左氏傳昭公三十二年越伐吳注曰吳越並星紀之次

牽牛婺女之分野

虞翻曰

會稽上應牽牛之分野春秋元命苞亦云牽牛流為揚州分為越國今之明州乃越國之地以地

里攷之

則當屬牽牛而晏公類要亦引漢志云

春秋

輿地記券

卷十一

兩浙東路

一

瞿盈齋

早稻田大學圖書館
第 28.9.8 号
藏 書

吳敗越夫椒越及吳平吳更封越王勾踐東至于鄞
即今之鄞縣也國語曰勾踐之地南至勾無北至禦兒東至于鄞西至姑蔑其後

勾踐滅吳欲徙吳王甬東即此郡之境左傳哀公三十四年越滅

吳請使吳王居于甬東注云甬東越地會稽勾章縣東海中洲也秦平百越以地置

鄞縣屬會稽郡此據晏公類要又寰宇記云古舜後

有此不同處然四明在唐為餘姚郡恐有來歷漢為會稽東部都尉治所四

志以為在元鼎五年又云徙章安章安即今奉化之南也成帝時徙勾章然東漢志有東部侯國而不注

其屬何縣當攷順帝時分會稽郡為吳郡而會稽郡領縣十

四而句章鄞鄮三縣預焉西漢志勾章鄞鄮三縣尚屬會稽郡東漢志亦同

晉宋齊梁因之晉志宋志南齊志會稽郡隋平陳併

省州縣遂併餘繼鄞鄮三縣入句章縣隸吳州後改

越州仍隸焉此據隋書地理志今之州境乃隋句章一縣之

地隋書地理志云平陳併餘繼鄞鄮三縣人句章是合四縣而為一縣也按諸志別無餘繼縣而輿地

廣記於餘姚縣下注云隋平陳省入句章唐志於餘姚縣下注云析故句章縣置以縣置姚州則隋志之

所謂餘繼即餘姚也是隋句章一邑之地唐初析故

既割餘姚隸越州又為明州之全境也唐志云武德四年析句

句章縣置鄞州尋廢為鄞縣唐志云武德八年州廢

更置鄞縣元宗時採訪使齊澣奏以越州之鄞縣置

明州以境內有四明山為名唐書地理志改餘姚郡天寶

復為明州乾元元年浙東觀察使薛戎請移郡城於鄞縣

置其元郡城近高處卻安縣寰宇記在長慶元年而四明志在大歷中年月

不唐末為錢氏所據通鑑唐昭宗乾甯二年錢鏐為鎮東軍節度兼統浙東七郡

朱梁時陞明州為望海軍節度此據輿地廣記及九域志而歐陽公五代

史以為開平三年錢鏐置不同國朝及置定海縣會要亦云錢鏐置望海軍當從會要

廣記在開皇朝改為奉國軍節度國朝會要在建隆二年吳越

王納土地歸版圖九朝通略在太平興國三年又創立昌國縣國朝

會要及九域志並隸兩浙東路九域志在熙甯七年陞為望郡

國朝會要在中興以來高宗幸海駐蹕于此中興小歷在紹

興元兼沿海制置使紹興二年五月丁亥仇念充公海制置使念請置司平江之許

浦鎮呂頤浩言敵舟從大海北來拋洋直至定海此

浙東路也自通州入料角放洋至青龍港又公流至

金山村海鹽縣直泊臨安江岸此浙西路也萬一有

警制置一司必不能照應望令專管淮東浙西路別

除制使一員專管浙東福建路九月呂源為浙東福

建路沿海制置使置司定海縣十二月詔源俟來春

結罷尋命念移司定海併浙東罷之三年五月客省

張公裕兼沿海制置副使六月罷沿海制置司又繫

年錄云紹興三年九月郭仲荀知明州兼沿海制置

使仍詔以紹興府溫台明州為地分又云紹興六年

十二月知明州仇念陞慶元府皇朝郡縣志今領縣

改兼管內安撫使

六治鄞縣

縣沿革

鄞縣望

倚郭名則鄞縣實則句章吳越春秋云越有赤鄞山

故加邑為鄞晏公類要云古越之東境秦平百越以

其地置鄞縣屬會稽郡而元和志寰宇記輿地廣記

諸書皆云本漢舊縣小有不同西漢志云莽曰謹縣

東漢志仍曰鄞縣四明志云東漢改曰鄞縣既而復
 為鄞縣詳四明志之文似以鄞縣鄞縣本是一處而
 更二名耳象之謹按兩漢志及晉宋南齊志既有鄞
 縣復有鄞縣極為分曉自隋文併省州郡而隋志謂
 併餘繼及鄞鄞三縣入句章縣鄞之與鄞至隋尚是
 兩邑也自隋併鄞與鄞入句章之後再分為鄞縣奉
 化慈溪象山四邑而其地始紛亂而無統然元和郡
 縣志尚為有可攷者如鄞縣則以為理句章城奉化象
 山則以為漢之鄞縣而慈溪則以為漢之鄞縣鄞之
 與鄞二縣之境土尚有可別不應指為一縣也今之
 鄞縣乃古句章元和志云武德八年更置鄞縣仍移
 理句章唐志云開元二十六年以越州之鄞縣置明
 州四明圖經云開元二十六年更名鄞縣而唐志不
 載元和郡縣志亦名曰鄞縣則開元中未嘗為鄞縣
 也輿地廣記以為五代時更名鄞縣而五代史不載
 又寰宇記尚名縣曰鄞則又非攷於五代者至王荆
 公為鄞縣宰及元豐九域志始定於鄞縣三者
 俱不同當攷圖經云今縣東五十里有鄞城

奉化縣

望

九域志云在府南八十里元和郡縣志云本漢之鄞
 縣地開元二十六年採訪使齊澣奏置奉化縣唐志
 云析鄞縣地置寰
 宇記云與州同置

定海縣

上

在府東北七十一里皇朝郡縣志云本鄞縣之靜海
 鎮五代史云梁開平三年錢鏐置望海縣寰宇記云
 後改為
 定海縣

慈溪縣

上

在府西六十里元和志及寰宇記並云本漢鄞縣地
 唐開元二十六年與州同置圖經云因邑人董黯孝
 養其母
 而得
 名

象山縣

下

寰宇記九域志並云在州東一百六十里元和郡縣
 志云在州西北水陸相兼一百七十里本漢鄞縣地

神龍元年於甯海縣界海中象山東麓彭姥村置其縣東至大海二十里南至大海三十五里東北至大海四十里惟西南有陸路接台州甯海縣界唐志云本隸台州神龍元年析甯海及鄞縣地置廣德二年來屬明州寰宇記以為唐正觀三年置後二年割入明州與唐志及元和志不合今不取圖經云縣有一山如象形縣控此山因以為名

昌國縣

下

在州東一百七十里元和郡縣志云翁洲在鄞縣入海二百里即春秋所謂甬東也越滅吳請吳王居于甬東其州周環五百里有良田湖水多麋鹿寰宇記有廢翁山縣云唐開元時與州同置大歷六年因袁晁反於此縣遂廢之四明圖經云昌國縣本鄞縣地周環皆海窮東一涯而地不相屬與州同置即翁山縣後廢皇朝端拱間置為鹽場國朝會要云熙甯六年王安石割鄞縣三鄉創置

市舶司

臨安志載淳化三年移杭州市舶司於明州定海縣以監察御史張肅領之中興小歷建炎二年復置兩浙福建市舶初咸平二年九月庚子令杭州明州各置市舶司聽番客從便長編

風俗形勝

古越地之東境

在鄞縣國語曰吳更封越東至于鄞

東漸巨海西通五

湖南暢無垠北渚浙江

吳虞

市埒二京人雜五方俗

類京口東通吳會南接江湖西連都邑

隋書會稽郡下川澤

沃衍風俗澄清海陸珍異所聚蕃漢商賈並湊君子

尚禮庸庶淳龐

隋志

為州自齊澣始

唐開元中採訪使齊澣奏請為明州

節鎮自錢億始

吳越王錢俶命其弟錢億判四明本朝建隆初授億節鎮以鎮之

故鄞瀕海之都吳越肇國茲為輔州

高元眾樂亭記州以山

得名

以境內有四明山故號州為明州

邑以孝得名

慈溪縣因董黯孝養其母而得

奉國軍額潘良貴為之書刻漏王安石為之銘

同上

高峯軼雲連岫蔽日

孔暉會稽記曰四明山云云

海縣晏清

蘇為記

鄞民訟繁夥十倍山陰

書簾堂記

生于東溟介居夷島

崔殷

董孝子碑

州濱江而帶海

四明澤國也太湖漫其

西南大江帶其東北

楊蒙引水記

四明乃越之鄞縣

東漢地理

郡當海道之衝界乎北洋

王伯庠記

郡城粵王無諸所

築先謂劉牢之築以塞三江之口

乃眷四明位乎

東南之陽

胡幹化九經堂賦

四明實並東海真淑之氣蜿蟺

扶輿磅礴積鬱之地

莫將逸老堂記

四明在浙東最為瀕海

宜有瓌奇偉特之觀快登臨者之心目

潘良貴三法亭記大

江橫其前羣山拱其外島嶼出沒雲煙有無浪舶風

帆來自天際又州之井屋盡在目中

同上民富於蟹稻

之利地大物萃

李璜鄞縣記

通蕃互市珠貝外國之物頗

充於中藏云

三朝史志

魚鹽之聚

晏亨復記

眾樂亭居南湖之

中南湖又居城之中望之真方丈瀛洲焉

錢公輔序

吳檣

越檣

陳瓘詞一利名人

山君海王

東坡宸奎閣咨爾東南一節節來

朝雲南雲北

陸龜蒙四明山序云山中每相過從謂之過

雲亦曰 一 在古為餘姚之墟在漢為會稽之境逮唐

武德中而即鄧置縣開元中而即縣為州山有四明

洞有黎洲有孫興公見之於賦有梅仙虞喜之所廬

有任奕董黯之人物有王密房琯之德政有建隆郡

守康憲錢公億之墓有熙雷宰相荆國王文公之祠

並黃 據三江之險 圖經云晉末孫恩海寇也其犯會稽則由上虞以入不由乎明州者

亦以此城 一 蛟門虎蹲天設之險亦東南之要會也

四明圖經明之為州乃海道輻湊之地故南則閩廣東則倭人北高句麗商舶往來物貨豐衍東出定海有云

四明據會稽之東抱負滄海枕山臂江重阜崇

嶺連亘數千里山川之勝雄傑茂異所以人才英拔

比他郡為甲 李瑣修學記 風颿海舶夷商越賈利原楸化

紛至逕來 同上 負溟渤控扶桑倚巨鎮吞長江 九經堂記 肅

清海道 李心傳朝野雜記云汾海制置肅清海道節制水軍

景物上

坐嘯 在鄧山 鈴齋 在坐嘯之右 東海 寰宇記云一上有

說云昔從徐福入海逃避海濱亡匿姓名自號庚定

音訛亦謂之 西湖 在州南湖中有汀洲島嶼凡十

盧亭子也 月島 松島花嶼竹嶼煙嶼四時之景不同而士女

遊賞特盛於春夏飛蓋成陰畫船漾影無虛日也 西

亭 王荆公鄞縣一詩云收功無路去無田竊食窮

一詩云山根移竹水邊栽已覺新篁破嫩苔可惜
 主人官便滿無因長向此徘徊主人將去菊初栽落
 盡黃花去卻迴到得明年龍池在太龍潭在鄞縣十
 官又滿不知誰見此花開龍池在太龍潭在鄞縣十
 穴杏不知其幾尋魚溪在慈溪縣西南五十里鱖井
 其水注田九千畝聖井中有二大蟹浦在定海今有
 在阿育王山謂之應乃護塔神也
 鰻早曠祈禱有應乃護塔神也
 志象山劉涓記曰四明東羅城九域志按夏侯會先
 築城以過三江口即此城香山在慈溪舊名大蓬山
 也或云越王無諸所築
 存焉唐常寂大金沙在阿育銀山五里地名小溪嘗
 師建寺於此
 產銀錫山在鄞縣西南五十石樓南一名石柱云是
 故名錫山以嘗產錫故名石樓
 四明山纜石鼓寰宇記明州郡國志云靈山有石
 風出處石鼓臨淵若鳴則野雉翔荆公寄石窗
 伯庸詩云鯨海無風白日閑天門當面險難攀石窗
 撫州臨川縣亦有石鼓但四明卻有天門山耳

陸龜蒙云四明山有峯最高四穴在峯上每天色
 澄霽望之如戶牖相傳謂云四明之目也查
 浦類要云在海上海上黎洲在奉化縣西周回八百里二
 劉網去鄞縣六十里黎洲在奉化縣西周回八百里二
 公游此獲仙黎食而上昇因號為公與兄承藍溪在慈
 東六鄞江龍溪文終更上鄞水楊億基法師贊
 寰宇記云自剡至此溪積高險行客往來皆
 此裝束齊僕射張稷會生子於此乃名嵒鄞山在
 縣東峯上有佛左足跡十道四蕃志靈山在鄞縣
 云以海人持貨節易於此故以名山靈山在鄞縣
 山有石鼓臨澗若鳴則慈溪在縣南三十里後漢董
 野雉翔鳴里故曰慈溪在縣南三十里後漢董
 母寢疾好飲此溪水嘗思之以飲渴不時黯隱潭在
 遂築室溪畔與就養厥疾乃痊因以名縣隱潭在
 縣西北五十里潭居西巖之下瀑泉如線兩巖數
 百仞仰而窺天僅如尺許水寒石潔聳人毛骨
 洲元和郡縣志云入海二百里即春秋所謂甬三江
 東也其洲周環五百里有良田湖水多麋鹿三江

城據險四明謝靈運山居賦曰天台四面自然開窗甬東

句踐使人謂吳王曰吾置王中洲也海治西漢地理志

注云章句章縣東海之中洲也

也案今鄞縣即其處

句章國語云甬句東越地會稽句章縣東海中洲

移他處無有人目為舊傳其本得自丹中嘗

門通日月星辰之光故曰四明山有丹桂象出縣諸

百八十里名赤水之天山有四百八十峯洞周回一

龍虎軒在慈溪之晉溪寺經綸閣在鄞縣縣齋王安石嘗為

徐度有記平易堂在進思堂在郡治設鄞山

堂在州宅舒嘯亭在鄞山之前桃源洞在州宅後紅蓮閣

章得象所建熙春堂在後清心堂在後觀瀾亭在郡

詩有逸老堂在眾樂堂之南為賀知錦照堂在西湖雙

瑞樓在後三江亭望三江之口潘良貴有記又鄭谷

遼海九經堂在鄞山堂後淳化問賜十洲閣王巨詩

如幻閣長秋一百花堂在後叢碧軒在平易堂之眾

島飛來伴九洲

樂亭在西湖中錢公輔所建荆公有明州錢君倚恨

不即過詩又寄題鬢入夢寐吟筆自欲圖丹青

温公寄題錢公輔君倚明州重修湖山得主人使

通廢島華宇出荒榛風月逢知已湖山得主人使

君如獨樂眾庶必深蠶何以知家給笙歌滿水濱三

萼山在象山南海中六十里其山有三峯春時三過

三峯之上雜花開發綺麗可觀因以為名

輿地紀勝 卷十一 兩浙東路

山 在慈溪縣南山勢孤峻臨于江濱潮

水縈回舟人理棹雖一過猶一焉

三仙島 詩曰舒直

海鰲背上 四明雪 杜八哀詩鄭虔

四明山 在州西八

角各生一種木皆不雜山頂有池其池有三重石臺

又九域志云孫綽天台山賦云登陸則

也今按此山有四面各產異木而皆不雜山西南諸

峯惟灌頂定光為最高施肩吾憶

彼山中石泉水幽聲夜夜落花裏至

今憶得臥雲時猶自涓涓在人耳

五臺山 在鄞縣

元寺內有 五磊山 在慈溪縣北有五

六子院 五馬山 在慈

峯山 在昌國有吉祥院在縣北正六十里唐開成中

定眾歸之因置院有佛牙長四寸舍利綴滿牙根

無慮數十顆又慈溪縣東六十里

寺面對 千人壇 昔秦始皇遊會稽登山望秩以求

神仙乃命徐福立 千歲橋 在城東

大澹江 在鄞縣小

澹江 在鄞縣北

大梅山 漢梅子真舊隱山頂有

梁其下則為他山堰之梁上有護聖禪院

中法常禪師感象眠為池虎跑為泉云

大隱山 九

志云在慈溪縣南三十七里夏侯會先地志云

晉虞喜三召不就遁 廣德湖 在鄞縣唐志云

迹增修圖經云引水入城為州民之利夷堅癸志云

明州 自東漢以來有之其廣袤數萬頃今為

田 普慈院 在昌國縣北五里東晉

崇壽寺 在鄞縣東五里寺有心鏡大師塔唐時師居

寺師燕坐禪定神色不動賊掠四明有眾三千縱兵入

過作禮倒戈而退師以威通七年遷化 東澹口 輿地

在定 東門山 志所謂天門山也 東錢湖 在鄞縣東

海縣 東門山 志所謂天門山也

八十靈蓋以山而名也四方勝士往來其間莫不以爲

輿地紀勝

卷十一 兩浙東路

十 懼盈齋

東南之天童寺天童山景德寺在鄞縣東六十里山

佳地有玲瓏巖東晉時立祠巖上唐開元

中見師法塔居之日誦蓮經感天童捧天食來供人

夜入石天童山在鄞縣荆公行穿溪樹踏春陽溪深

數寸無人處唯天門山與地廣記在象山縣即

樹密花渡水香雪竇山漢志所謂越資聖禪寺南有

水有西漢志鄞縣雪竇山在奉化縣西資聖禪寺南有

林千丈巖瀑布上下有亭三日飛雪曰妙峯曰漱玉

丹碧照爛飛簷鱗蔚在青嶂問晨霞暮靄遮露萬

狀尤為勝槩至道中有僧守能雲遊寺中出育王山

淳化四年太宗皇帝石刻御書在本寺奉藏

在鄞縣東三十雲霄山輿地廣記新婦巖在鄞縣

里會先地志云山北臨溪水其石五色望之頗

似花鈿新婦首飾故曰山北臨溪水其石五色望之頗

亦有吳儂山在東抱子山宛轉盤泊如龍蛇

之狀渡母橋舒亶詩曰郎中渡母官奴城在鄞縣即

故名渡母橋年注云謂今中渡母官奴城在鄞縣即

經云漢光武為賊敗因耕田奴獲免後議賞

問奴欲何官云欲得鄞縣令故號曰學道煉丹於此

在昌國東南一百二十里昔安期生學道煉丹於此

嘗以醉墨灑於石上遂成桃花故山號曰新羅蓬萊

安梅岑山在昌國縣四面大洋徐福求仙嘗至此孫綽天台

山賦云登陸則四明天台入海則方丈一豈其所

乎蓬萊觀湖望春山有廣德赤堇山在鄞縣

山元和郡縣志云在奉化縣東十里夏侯會先

地志云秦始皇遣徐福訪神仙嘗至於此杜鵑

花會稽覽古集四明山有雙石如筍高數丈野叢

鼎湖龍去鬣蒼蒼斷三載叢花不記春虎胛山在慈溪

狀如伏埋馬山在慈溪夏侯會先地志云秦

虎故名埋馬山始皇遊海至此馬斃故名

年不榮職方齊唐嘗為之贊華鎮詩云虎胛山在慈

生其頂杜鵑鳴時爛若霞錦國明祖宗邊密皆三

會稽覽古集四明山有雙石如筍高數丈野叢

地志云秦始皇遣徐福訪神仙嘗至於此杜鵑

在慈溪西北六十里耆老相傳昔有鶴棲于此一日

飛鳴沖天而去又九域志梁虞荔墓在慈溪

鳴鶴鹽池 虎跑泉 鳧磯館 在鄞縣南二

場即此 鮎蹄亭 漢地理志鄞縣有鮎蹄亭

故以扶桑雞 在慈溪西二十五里仙雞山夏侯曾先

名亭 扶桑雞 地志云上有石井末有銅井皆非人力

所能與旁有石雞館云是 驄馬橋 晏公類要云慈溪

扶桑鳥飛下因以為名 驄馬橋 縣有驄馬橋

所立以其自御 驄馬山 在慈溪縣東三十里會稽典

史拜因此立名 驄馬山 錄張意漢世祖時為驄馬將

軍子齊方歷中書郎 金雞山 在定海縣之海門相傳

會隱於此山因名 金雞山 山有正鎮海門

金峨山 在鄞縣東南八十里 金鍾寺 在昌國之岱山吳

皇朝建隆中賜以銅鍾 翠巖山 在鄞縣西七十里有

今謂之翠蘿 翠巖山 寺曰寶積院有秦皇

石板弓 白龍院 在慈溪縣詳 清瀾池 在州衙前池與

箭洞 白龍院 見僧師誓下 清瀾池 府學前水池

春間蛙不鳴俗傳以為 太白山 隋志句章縣有太白山

李侯夷庚以法禁之也 太白山 在鄞縣東其峯視

四明諸山為最高其上有龍 太平山 在慈溪縣西六

池雲氣翳勃生於水而不絕 太平山 十里孔稚圭遊

寒巖留夏雪孫綽 銘曰 崔太平峻踰華霍

秀嶺樊縕奇峯挺蕞 紹興故事今兩存之 鼓吹山

在象山縣東南八里有一峯舉然特高 巾子山 在定

天欲陰雨有聲轟轟如鼓吹鳴因名 巾子山 海縣

東北八里與候濤山形勢 碁子坪 在定海之候潮山

相控為湖水入之障蔽 碁子坪 凡欲取之者先

以白飯撒之翌日可得白子 智度寺 在慈溪縣乃唐

以黑豆撒之翌日可得黑子 智度寺 常寂大師道場

數百人突入庵師據石瞑坐羣寇禮謝而去今寺有

碑載其事然此事與鄞縣崇壽寺 觀音寺 在昌國之

心鏡禪師之事頗相類姑兩存之 觀音寺 梅岑山山

後有小寺曰 按釋典所載 住寶陀山海 棲

岸孤絕處即其所也山有善財巖獅子巖潮音祠 棲

真也記券

卷之十一 兩浙東路

瞿益齋

真寺

舒宣有詩 福源寺 舒宣有詩 瑞巖山 皇朝郡縣志云在定

十二峯祥符五年有青松峯下生芝草五本守臣以

聞有回詔碑今一乃屬台州小生芝草五本守臣以

屬明後割隸台州亦 能仁院 在鄞縣西南二里節度

未可知姑兩存之 湖心寺 在鄞縣西南一百里輿地廣記

謂面枕平湖門橫綠 李夷庚所創 鎮亭山 在鄞縣西南一百里輿地廣記

野四明之望藍也 容數千人有堅石高五六丈下有石

此山也 漢城山 在鄞縣東北十五里其山頂平可

石山 寰宇記在鄞縣山有石高五六丈下有石

沃洲山 皇朝郡縣志云在鄞縣東二十里唐白居易

勝以為在越 宅山堰 九域志云縣令王元緯置仲夏

今兩存之 堰 九域志云唐刺史于句餘洲 東漢志在句章縣輿

句餘山山海經云其 山多金錫少草木

古迹

古鄞城 寰宇記云亦漢縣廢城在今 句章城 在鄞縣

廢城在縣西元和郡縣志云在州 古句章城 在鄞縣

西一里顏注云在鄞縣之句章鄉 古句章城 在鄞縣

里東粵王餘善反漢遣橫海將軍韓說出句章道以

伐之十道四蕃志云開皇中平陳縣廢按隋志隋平

陳併餘姚鄞鄞三縣入句章則隋 鄞縣古城 四明志

尚有三里漢為巴縣後漢改曰鄞縣按西漢 伏飛

縣東三十里漢初無巴縣四明志所引非是 伏飛

志乃止有鄞縣初無巴縣四明志所引非是 伏飛

廟在府北一里淮南子云荆有一得寶劍渡江中

日夫善戰腐肉朽骨 房相公廟 在慈溪縣琯亭斯邑

輿地紀勝 卷十一 兩浙東路 十一 懼盈齋

中侍讀張穎亦宰斯邑以廉潔自持

董孝子廟 在慈

會魯公祠堂 在鄆縣南三里延慶寺天聖中曾

遊延慶而主僧知禮夢伽藍告之曰翌

報恩寺鐵塔 在府西百步有鐵塔

釋迦如來真身舍利塔 按寺碑

義熙初以塔之出現肇創茲寺至梁武帝賜名阿育

鄆縣即阿育王所造八萬四千塔之一也鏐造南塔

以奉安俶在國天火屢作延燒此塔一僧奮身穿烈

焰登第三級持之而下衣裳膚體多被燒灼太平興

國初俶獻其地太宗命取塔禁中度開寶寺西北闕

地造浮圖十一級下作天宮以葬舍利雲麓漫抄云

補陲落伽山自明州定海縣招寶山泛海至昌國縣

自昌國縣泛海到沈家門過鹿獅山正南一山曰翫

月巖循山而東日善財洞又東日菩薩泉又東日湖

音洞即觀音示現之處又東日補陀寺自妙應峯西

日石觀音下即佛跡自西登舟至善財洞及觀音巖

寺觀音多現於洞中或於巖

義婦塚 在鄆縣西十里

梁山伯祝英 陳國家 郡國志云鄆縣有

臺之冢也 雙鶴隨樞而歸會稽棲 晉虞喜墳 九域志在慈溪縣

侯 梁虞荔墳 東門山漢志所謂天門山也 虞世南墓

在定海縣 布袋和尚墓 在奉

之蟹浦鎮 唐張孝子墓 在慈

墓 在奉化縣西北三里乾 德中立碑崔仁冀撰

官吏

唐李吉甫 為州刺史見

孔巢父 唐書巢父知明州時

夫四十三萬人 房綰 唐開元二十六年為慈溪

縣令流民來歸黠吏引去 劉綽

請令羣臣到任得替泊湖望並齋潔朝拜奏辭從之

長王安石知縣行青傅堯俞哲宗朝嘗知明州召

編錢公輔仁宗朝知州有善政自明召入為修注荆

略部名高海曲人知州錢君倚衆樂亭詩使君幕府開東

笑政即成洗滌山川作佳趣胡旦淳化燕肅中知曾

鞏熙甯樓異宣和中睦寇猖獗仇念紹興中知兼

潘良貴以紹興中知李夷庚為太守學前池昔蛙鳥

自此不許鳴俟出狀元即鳴自此柳耆卿柳永字耆

後每出狀元則學宮池蛙即鳴張穎皇朝端拱中穎

仁宗時為屯田郎官嘗監定海張穎為慈溪令以廉

之曉峯鹽場有畱題刻于石范成大言行錄云知明

勤自持太宗賜勅書獎諭有范成大當魏王後過關

引見上曰蜀人思卿如慈親故付卿以海道公奏魏

王國之懿親時節奉海物於兩宮臣外朝臣也不敢

效九上命停貢而罷進奉局

人物

賀知章李白詩云四明有狂客風流賀季真又云四

有載于此姑兩存之舒亶慈溪人隱居大隱山年七十餘以

又載于不服而斷其首投檄而去畱詩於壁曰一鋒

不直執之兇首千古焉知將相才王安石聞而異之自

此驟用自號楊適慈溪人隱居大隱山年七十餘以

亦樂居仁宗嘗賜以粟帛後又遣郡從事姓名以先

生目之禮起之適辭不受終老于家號大隱先生豐

稷字相之鄞縣人擢御史言王安石不可知制誥徽

子厚黜又請辨明宣仁誣謗及神宗實錄不可亂以

王安石日錄及蔡京相責常睦道台建婺等州事略

真也記券卷十一兩浙東路

懼盈齋

真州系月... 卷十一 慶府... 三

沈起 字興宗 鄞縣人 舉進士 嘗監真州 轉般倉 因父疾 委官歸侍 為有司所劾 仁宗謂輔臣曰 觀過知仁 今以赴父疾 而致罪 何以厚風俗 而勸

言行 錄云 鄞縣人 紹興十五年 登乙科 吏部權書 四助 以絕產 擇鄉官 主田立義 莊欣慕者 眾郡守 林大中

上 賜為亡窮 之利云 劉相如 俊自越 至明 無舟可載 隱士 俊書 許以捍賊 成功 封以抗敵 因與敵戰 破之

高閱 字抑崇 唐宰相 智周之後 中興 建太學 命為司 業後 為中書舍人 禮部侍郎 以忤秦檜 意遂請

掛 陳禾 鄞縣人 著書 以垂世 有論語 孟子 易 春秋 四 始 史浩 王 皇朝 郡縣志 云 字直翁 紹興末 為普安郡

射 隆興 改元 知紹興 府淳熙 五年 復拜 相十一月 以 彌遠 繼秉 鈞

少 傳在 內宮 觀富貴 壽考 為江 左第一 子丞相 魯公 軸 光紹 勳烈

仙釋

直洲山 鄞縣東 在海中 漢武 洞穴 記言 秦始皇 遣徐 洲不 還世 傳今日 日本 國是也 東方 朔云 山

縣之 東六十 里太白 山夏 侯會 先地 志云 亦有 一

廟 郭璞 詩云 清溪 千餘 仞中 有一 道土 雲生 棟梁

間 風吹 牕牖 裏借 問 **安期先生** 在昌 國縣 一

此 是誰 云是 一 安期先生 得道 隱於 此洞 因以

名 **梅子真** 舊隱 於 **梁陶正白真人** 有 修煉 之所在 象

人 靈驗 記云 有煉 丹井 清澈 甘美 以養 瓶貯 之即 有

水 珠透 瓶而出 號透 瓶泉 又有 真人 煉丹 竈煉 井亭

址 至 **宋耕** 紹興 中為 閬中 令以 仙去 後其 孫德 之聞

今 存 **宋耕** 紹興 中為 閬中 令以 仙去 後其 孫德 之聞

其 在四 明親 往訪 焉聞 諸者 老山 後爛 平有 二士 居

焉 其一 宋君 已而 隱去 不知 所終 又遇 二老 僧云 舊

傳 爛平 二隱 者皆 川人 結廬 其上 不與 世接 今其 丹

亭 猶存 德之 登山 十五 里果 見丹 亭而 仙蹤 不可 復

真也 已券

卷十一 兩浙東路

二 懼盈 曆

尋矣今有宋公宣教祠 **宏智禪師** 雲谷雜記 正覺紹興中住

四明天童山一日有老僧坐於簷間以手支頤若有

所思覺因問之僧曰適得一聯恨未有對覺令舉似

云飢腸隱隱雷催雨覺曰何不對瘦骨稜稜木 **僧法**

著霜此亦可謂捷而工惜乎盡儉未忘僧態也 **淵**

淵三山人語錄云明州妙音 禍福無不驗發言無

常飲酒市肆歌笑自如能言人禍福無不驗發言無

話人莫不切笑大覺問顛僧是顛了僧僧了顛答云

大覺是大了覺覺了大眾皆驚愕一日跌坐而化頰

曰咄咄平生顛厥欲問臨行鑪中大雪真相至今存

焉 **蕭鍊師** 孟東野送 入四明山詩聞於獨鶴

千尋直裂峰百尺倒瀉泉絳雪為我飯 **布袋和尚**

白雲為我田靜言不話俗虛蹤時步天 **布袋和尚**

化縣大中岳林寺常以杖荷布袋隨處偃臥時號長

汀子布袋師言人禍福即應後有人於它州見師提

隻鳥而行及發棺唯存隻鳥水旱 **常寂大師** 香山智

禱之應如響元符賜號定應大師 **常寂大師** 度寺在

慈溪縣東自此可達蓬萊乃唐 **阿育王大覺禪**

師 山有廣利寺在鄞縣東禪師懷璉在京師仁宗常

師以詩頌賜之懷璉後居育王法席鼎盛名聞天下

如來真身塔 **天童太白禪師** 巖上唐開元中高僧法

璿居之號太白禪師手植松徑其後曇德徒院于太

白峯下第五琦奏請以天童玲瓏巖為院名僧清問

相繼栽松至今同茂 **烏石弟子** 會稽記云昔阿育王

本朝景德中賜今額 **烏石弟子** 與真人捧塔飛行虛

空入海諸弟子不及一時俱墮化為鳥 **雪竇禪師** 奉

石如人形至今村名塔墅嶼名烏石 **僧法忠** 鄞

化縣資聖寺乃雲門四世孫名重顯天聖 **僧法忠** 縣

中住此名聞四方至今學徒以 目之 **僧法忠** 鄞

人也參天童交和尚又謁雪峯需和尚舒州佛眼和

尚後住大刹六處禪學輻湊有宗教正論十卷補寒

山詩三百篇 **元談 僧普交** 鄞縣人住錢塘南屏山聽

性何來若懺它罪它罪非汝烏能懺之交不能對歸

途問曰師之懺罪為自懺耶為他懺耶若自懺罪罪

漁父並行於世 **元談 僧普交** 天台教因修懺遇道人於

真地記勝 卷十一 兩浙東路 七 懼盈齋

語其師亦不能決乃辭造參泐潭器之一日入室泐
 潭喝之交豁然即以偈呈曰有人問我解何宗一喝
 須交兩耳聾滿杓黃齏飽 **僧遂端** 住慈溪之普濟寺
 契了生涯只在鉢盂中 **僧知禮** 四明人七歲喪
 輟咸通中跌坐而逝口出蓮 **僧子麟** 唐清泰中往
 花七莖今真身在本寺云 **僧則交** 高麗日本百
 天台教四方學徒重趺而至戶外之履常滿日本國
 亦遣其徒學焉後住延慶真宗嘗遣使就加禮異及
 其沒也錢塘遵式法師作詩悼 **僧子麟** 高麗日本百
 濟諸國傳持天台教法高麗遣使送還四明 **僧則交**
 錢氏建保安院以處之即鄞縣之壽昌院也 **僧則交**
 大智禪師講道錢塘師與其徒六人服勤左右學益
 通號六羅漢忠肅陳公瓘與師相好晚年不食跌坐
 而 **僧師誓** 五代乾祐中於慈溪之白龍慈化院結宇
 逝 **僧師誓** 而棲日誦法華經嘗有白龍矯首室外因
 號 **僧宗景** 號果佛日紹興丙子住
 龍院 **僧宗景** 育王山後忤秦檜坐貶

碑記

董孝子廟記 唐崔殷作 一孝和召拜郎中不起厥後
 世為名族故以 **棲霞觀碑** 在象山縣有唐大中 **等慈**
 董孝子名鄉 **院釋迦殿記** 在象山縣宋元嘉二年 **龍壽院記** 在象
 名延壽院漢乾 **洋山廟記** 在定海縣東北五里 **唐心**
 祐二年置有記 **鏡大師舍利塔銘** 在鄞縣之崇壽寺 **崇壽寺額** 在鄞
 相裴 **明州額** 舊錢 **奉國軍額** 太守潘 **文宣王廟碑** 在
 休書 **裴公德政碑** 李陽冰篆 **唐刺史王密德政碑**
 學火損 **裴公德政碑** 在衙門內 **唐刺史王密德政碑**
 其半 **李舟文李陽冰玉柳公權書金剛經** 在州治之 **應天**
 節篆今在郡樓下 **德潤寺碑** 在慈溪縣唐乾符中 **唐李華撰左谿大師**
 僧文義大師清晏撰

碑銘 在慈溪之普濟院 雲漢廣福教院記 在慈溪縣唐光化二年楊適記開

元寺碑 在鄞縣南二里寺有二碑其一李頴文其一陶祥文韓擇木書 小字道經小

字德經 集古錄唐明皇注八分書不著名氏開元十七年立

詩

日宮移向月宮栽染得嬌紅入面來多謝秋風揚雨露丹心一一為君開 高宗皇帝御製丹桂詩 有花有酒有笙歌

其奈難逢親故何近海饒風春足雨白鬚太守悶時

多 白居易寄明州于駙馬 四明有狂客風流賀季真長安一相

見呼我謫仙人 李 狂客歸四明山陰道士迎勅賜鏡

湖水為君臺沼榮 前 使君來游携芳樽兩邊佳客坐

翠茵鄞江鮮魚白如銀玉盤千里紫絲蓴 鄭 游人來

看使君遊芙蓉為楫木蘭舟 前 使君今作螭頭臣遊

人依舊歲時新空餘華榜照湖水更作佳篇誇北人

前 旁人指點此何許云是四明行樂處此樂為民非

為身始自集賢錢使君 吳充衆樂亭詩 四明舊說南湖好歲

久瀕厓變涂潦建旗一日得賢侯千里江山真再造

王益柔詩 珠宮貝闕競來還泉客鮫人爭獻寶春風浩蕩

波濤起髣髴仙人騎赤鯉 前 最思東山春樹靄更憶

東湖秋水波 王安石憶鄞縣 驅山截長江化作雲水窟 舒 桃

源二月春風起是處穠花有桃李調笑聞聲不見人

遊人只在華山裏前人遊四明山水東南表海鼇背

上三山島麗譙高逼斗牛寒一曲梅花萬家曉太守

文章建安骨爽氣冷侵寒月窟前城中十頃湖雲水

相演漾王庭秀在昔知何人鑿破青山骨飛泉石下來

千尺瀉條忽郝修輔書隱潭誰把江湖付此翁江湖更在廣

城中葺成世界三千景占得鵬天九萬風宴豆四時

誼畫鼓遊人兩岸跨長虹他年若數東南勝須作蓬

萊第一宮錢公輔衆樂亭詩勢壓平湖四面佳好風明月是

生涯鯨鯢背上浮三島菡萏香中放兩衙前此心會

笑元丞相終日樓臺為一家前人風月逢知己湖山得

主人司馬温公衆樂亭波面長橋步明月人家疎樹帶殘陽

吳中復一片湖光分島瀵四邊山色入樓臺前是水為

佳境中城枕碧湖樓臺萬室近物象幾州無章望平

湖拍岸海潮通亭在平湖杳靄中花艷含春雲島晚

波光照夜玉壺空胡宗愈動搖人影兩橋月洗滌塵襟

四面風前回合江山真有意去來鷗鷺本無心汪思温

早晚渡船潮有信往來鷗鳥客無心舒舟從菡萏林

中過人在鯨鯢背上行周不放塵埃生水面為傳風

月到皇都王巨西湖圖平昔山林性今來水石鄉栽花尋

秀壠泛酒鞠滄浪林危亭高處倚巖隈西望蒲菖海

浪回山戴鼇頭天外出水浮鱗穴地中來千重側崦

扶搖沒萬里分流混沌開許將觀崔嵬天門山江水

遶其下王荆公寄大歷才臣有此州昆孫今駕鹿轡

游王安石贈太百粵喧華外三江指顧中耕桑遺俗

在草木故城空即鄧近澤知田美俗重近魚多驗海

豐由來形勝地越絕控遼東舒蓬島雲長在桃源客

不迷前抵虎螯經夏跳沙蛤趁潮前巷陌隨橋曲間

閩占水窮郡樓孤嶺對市港兩潮通前金澄沙底水

龍臥井邊風金沙龍井稻飯雪翻白魚羹金鬪黃鮓

崎千蚌熟在奉花嶼一村香在慈海近春蒸濕湖靈

夜放光廣德湖每江漲長如海冬温恰似春前佛磬

雲中寺樵歌郭裏湖前草市朝朝合沙城歲歲修前

雲鋪物外無塵地月滿人間不夜天前西塢雲過

雨翠成堆天淡平湖一鑑開前洗出煙華紫翠均再

將絕景付重闌千山有影螺垂地一水無塵鏡照人

前何人縮地海東偏靈岳分來不計年幾見綵雲爭

照日直疑仙掌欲擎天前人題湖波浩渺無窮綠寺

屋高低不計年陳片帆飛去若輕鴻一霎春潮過浙

東王謝江山久蕭索子真今為起清風范仲淹送月

明偏照海邊洲綠水回環漾素秋斗轉參橫羣動息

桂花零落遣誰收陳瓘月島詩明州城郭畫中傳尙記西

亭一艤船投老心情非復昔當時山水故依然王安石石觀

明州溪水清漣樹老蒼行穿溪樹踏春陽溪深樹密

無人處唯有幽花渡水香前入天童溪上桃源深處一招提

門對寒雲路遠溪長使千峯光景動未應洞裏老金

雞舒亶游翠巖萬松偃蹇插雲根四面諸峯盡子孫日日

飛煙雲霧歛不妨掌上看乾坤前入灌頂詩蓬閣紅堪掣

瀾池靜不流在州前梯航紛絕徼冠蓋錯中州高麗使詩海

邦渺渺知何在陳瓘詩山長水曲不勝清范仲淹詩地吞越

絕海分際舒亶直海色連四明胡幽正詩方丈蓬萊不更求王安石

石泉樂亭詩城外千帆海舶風城中居市苦憧憧邵必詩太

白嶺崑幾百尺仙人一去無消息舒亶遊天童山詩瑤臺含

霧星辰滿仙嶠浮空島嶼微李白送賀監島浮虛檻橋橋

接風翼時鐘寺寺聞陳汝義詩頂峯有路青天近絕壑無

塵赤日涼舒亶游棲真寺雪嶺開亭近雲鄉有路通前入游仗錫

暗峯藏雨皆龍窟靈草含霜半藥苗前入遊香山笙歌自

滿蕭郎宅琴鶴空隨賀老船前入題惠安煙霽多疑九峯

曉波平全勝六鼇浮前入題十州閣鍊丹井畔春蕭索知在

蓬萊第幾重前入題金峨人間八萬四千塔便合推爲第

輿地紀勝 卷十一 兩浙東路 三 權盈齋

一仙陸游題育王山明月堂使君何所樂樂在南湖濱同日落

使君扶醉歸遊人散後水煙霏鄭毅題古寺山光裏

重城海氣圍皇朝類苑尚能送僧歸四明泣珠泉客通關市種玉

仙翁寄版圖同上江聲鼉背上帆影斗邊風同上

四六

提封千里雲屋萬家貢分於齒革羽毛俗富於魚鹽

蚌蛤南琛交貿有蠻舶以時來東道送迎有皇華而

歲至崔仁翼謨錢公億墓碑南畝嗇夫荷決渠降雨之利東野

編戶安熬波出素之業錢億墓碑東望蓬萊古號登臨之

勝地西連畿甸今為沿海之要區事矧此鄞山之奧

實居浙水之雄同上浮海之航鼎來於遠國踐山之築

益起於堅城南豐謝表島夷修好護星使之行疆玉食薦

新上鱗珍之貢事眷此鄞山實臨海道鄭興裔謝表竊

以甬東之名郡實為浙左之奧區鄭列戍相望盡總

弋船之銳百蠻交會有來卉服之遙鄭矧新府之陞

華視昔時而增重鄭惟四明之窮裔處百粵之東偏

曾南豐維鄞江之列壤實浙左之名邦南豐內護行都外

控瀕海高夔謝表益起堅城之封以成表海之勢南豐不從

閩越中易句章前仕宦以得郡為樂得四明者尤樂

曲阜行傳奕守明制並海與區四明為溝澮之利歲常有魚鹽之饒人用足食桴鼓不警狴牢婁空故云

來庭之國實為出入之塗表海之城方始經營之

緒南豐矧茲海表密拱行都有舟車商賈之饒兼營

壘甲兵之眾林栗夷越故區東南窮處王荆公代

輿地紀勝卷第十一

輿地紀勝卷第十二 文選樓影朱鈔本

東陽王象之編 甘泉岑銓校刊

兩浙東路

台州同浦仙居 臨海 天台

州沿革

台州上臨海郡軍事九城禹貢揚州之域元和郡南

斗須女之分赤城新志又漢志曰吳地牛斗之分野

於辰在丑而會晉志曰自斗十二度至女七度為星紀上應台星真誥天台山當牛斗之春

秋及戰國時皆為越國地寰宇記云戰國為越國地

為楚所并象之謹按通鑑周顯王三十五年越王無疆時

輿地紀勝 卷十二 兩浙東路 懼盈齋

以此散諸公族爭立或為王或為君濱於海上朝服於楚詳通鑑之文則浙江以東濱海之上楚固未嘗有其地也至秦平百越置閩中郡秦併天下屬閩中郡通鑑秦始皇二十六年王翦悉定江南之地而杜郡通鑑秦始皇二十六年王翦悉定江南之地而杜以爲屬會稽郡而元和郡縣志及寰宇記乃以爲屬閩中郡有此不同象之謹按元和郡縣志及寰宇記乃以爲屬書云秦併天下置閩中郡漢立南部郡尉是元和志以爲在秦則屬閩中郡在漢則屬會稽郡意者秦併天下盡取甌閩之地置閩中郡漢封東越王以其地及武帝平東越盡徙其民江淮間而閩中郡不復再置第置冶縣以撫其遺民江淮間而閩中郡不復浦亦爲會稽之屬邑則是東越之亡而閩中郡地已併入會稽郡與元和志之說相應漢既不置閩中郡而以秦閩中故地置爲冶縣及同浦縣併屬會稽郡故秦三十六郡之中既有會稽又有閩中郡漢地里志第有會稽郡而無閩中郡此元和志所書所以有秦漢之異也後人第見漢之屬會稽而不知秦之屬閩中郡當從元和志書曰秦屬閩中郡通典所書非

是今漢屬東甌國此據輿地廣記又漢書帝紀惠帝三年立閩越君搖爲東海王應劭注曰搖乃越王勾踐之苗裔其封東海在吳郡東南濱海云寰宇記云東海王都東甌亦號東甌國通典云秦漢屬會稽後立爲冶縣屬會稽郡宋志云武帝郡亦東越之境

其於江淮間盡虛其地後逃遁山立南部都尉本谷者頗出因立爲冶縣屬會稽郡

漢之回浦鄉分立爲縣此據元和郡縣志而西漢地治所詳元和志之文卽是立南部都東漢光武改回

浦縣爲章安縣此據元和郡縣志東漢末吳分治縣爲東南二部都尉東部臨海南部建安此據張勃吳錄無年月可

攷吳大帝分章安縣立臨海縣元和郡縣志云

分東侯官之地立建安縣詳臨海建安二縣建置之

始則在東漢之末三國之初始分爲東南二尉赤城
志年表亦引宋志云漢末分東南二部都尉東部臨
海南部建安意者漢時東南一尉也
至孫權始分爲東南二部都尉也
海郡吳志在太以會稽南部爲建安郡張勃吳錄孫
平二年休永安二年

而臨海郡治臨海取郡東北臨海山而名屬揚州此

赤城新志新志又云初治臨海尋治章安又元和郡
縣志云吳大帝分章安永甯置臨海郡晉志云吳置

臨海郡治章安而不言其時宋志云吳孫亮太平二
年立臨海郡不同象之謹按寰宇記云吳大帝置章

安縣吳少帝孫亮置臨海郡則與宋志合緣元和志
以置臨海縣之時卽以爲置臨海郡故有大帝少帝

郡之異今從寰宇記分置縣與置
郡之年月作兩次書庶得其實
晉武平吳析臨海之

北置甯海縣此據赤城新志又寰宇記引甯海志云
非置於晉武太康平吳之日也建
置年月有西晉東晉之異當攷
宋孝武析揚州之

五郡爲東揚州臨海預焉通鑑在孝齊因之晉志宋
皆海郡梁武帝改爲赤城郡尋廢爲臨海縣赤城

陳以章安縣置章安郡隋平陳郡廢復爲臨海縣

屬永嘉郡此據寰宇記又隋志云永嘉郡下有章安

改名焉則臨海在開皇九年平陳之時已廢屬永嘉

郡矣第台州自來不曾有改章安郡之文而隋志所

書如此恐陳末廢置他書不載
今從隋志略紀於此以待攷訂
又置臨海縣於大固

鎮移其縣於鎮赤城新志在隋末沈法興竊據其地

擅立爲海州赤城新志在大業四年而唐志云本海

言海州建置之因今從
新志系之大業四年
唐討平李子通於臨海縣仍

置海州領縣臨海唐興今爲黃巖樂安今爲甯海五

輿地紀勝

卷十二

兩浙東路

三

瞿盈齋

邑 唐志及通典並在武德四年 尋改為台州因天台山以為名 元和

郡縣志在武德五年 又沒于輔公祏 寰宇記在武德六年 賊平仍為台州

寰宇記在武德七年 析臨海置始豐縣 赤城新志在正觀八年 改臨海郡

天寶元年 復為台州 乾元元年 隸浙江東道 同郡徙治始豐城

新志在至德元年 陞德化軍 赤城新志云事見魯洵作杜確墓碑洵乃確吏時為德化軍判

官者也嘉定中黃巖永甯江有汨于水者 五代吳越

錢氏兼有其地 寰宇記 朱梁改唐興為新興 徐靈府天台山記在

梁開平三年 後唐改新興為始豐 新赤城志在後唐同光元年 石晉改

始豐為台興 赤城新志在晉天福初 國朝復為天台縣錢氏納

土始歸版圖 國朝通略在太平興國三年 隸兩浙東路 九域志在熙寧七年

改永安為仙居縣 國朝會要在景德四年 前後沿革皆即臨海

縣為州治 新志 今領縣五治臨海

縣沿革

臨海縣

倚郭輿地廣記云本漢回浦縣地屬會稽郡東漢改為章安晉太康地記云吳分章安置臨海縣屬會稽郡少帝時置臨海郡縣屬焉郡志云臨海郡治於此後移章安晉宋齊因之故晉志及齊志並有臨海縣輿地廣記云後省章安隋平陳郡廢縣隸永嘉故隋志永嘉郡下有臨海縣郡志云開皇九年徙縣於舊始豐縣置十一年於大固山置臨海鎮尋移縣於鎮所輿地廣記云唐武德四年於此置海州五年改為台州唐末及吳越國至本朝並仍舊

黃巖縣

在州東南六十里郡志云本東甌地寰宇記云漢順帝永和元年置永甯縣歷六朝不改至隋平陳廢之以其地併入臨海唐志於黃巖縣下注云本永甯上元二年析臨海縣地以置之天授元年改為黃巖寰宇記云以其山頂有黃石因以名之自唐至今皆屬台州

天台縣

在州西九十里元和郡縣志云三國時吳分章安置南始平縣晉武帝以雍州有始平改為始豐郡志云初屬會稽郡少帝太平二年撥屬臨海縣陳至德元年徙郡於此隋平陳郡廢以其縣併入臨海唐志於唐與縣下注云縣本始豐武德四年析臨海置八年省正觀八年復置高宗上元二年更名唐與輿地廣記云朱梁改為天台後唐復故石晉改為台輿國朝會要云建隆元年復曰天台

甯海縣

在州北一百七十五里郡志云本漢會稽郡回浦鄞二縣元和郡縣志云晉穆帝永和三年分會稽之鄞縣置臨海郡開皇九年廢郡併入章安縣象之謹按晉志有甯海縣隸臨海郡而無甯海郡元和志所書非是寰宇記又云隋隸海州然海州置於武德隋志初無海州寰宇記所書亦非是輿地廣記云晉為甯海縣屬臨海郡宋因之後省唐志云武德四年析臨海復置七年省入章安永昌元年復置元和郡縣志云永昌元年於廢縣東二十里置載初元年移就縣東一十里

仙居縣

在州西一百五里顧野王輿地志云晉穆帝永和三年分始豐南鄉置樂安縣屬臨海郡歷代因之然晉志却無樂安縣惟南齊志於臨海郡下有樂安縣小縣下注云武德四年析臨海縣置八年省高宗上元二年復置樂安縣輿地廣記云屬台州五代時改為永安國朝會要云景德四年改為仙居縣

輿地紀勝

卷十二 兩浙路

五 懼盈齋

風俗形勝

川澤沃衍有海陸之饒圖經閭閻與禮遜陳襄和鄭閣

我愛仙居好民淳不用拘臨海越谷杜牧台州

玉堂寰宇記云許邁與王逸少書云自山陰玉室璿

臺孔靈府會稽記曰赤城山內瓊樓瑤林顧愷之啓

天台山列雙闕於青霄中上琪樹風清石橋月明權

之所窟宅孫綽天台山賦序云天台山者山岳之神

天台皆窮山海之壤富盡人神之壯麗醴泉涌瀦於陰

渠同上賦惠風佇芳蔭牛宿以曜峯同上

赤城霞起以建標瀑布飛流以界道孫綽天長耀寶

元之洞天可以合神丹抱朴子云蓋竹山在臨海縣

名曰必有山精木魅以壞其藥惟大小台華少室蓋竹等

山可以澄道凌石橋之莓苔越榭溪之紆縈謝靈運白雲

先生之居崇道觀在天台赤城洞天第六洞天茅司

命之所治登真隱訣云太上玉清之天師十八大丹

霞小洞晏公雙闕雲竦以夾路瓊臺中天而垂居朱

闕玲瓏於雲間玉堂陰映于高隅孫綽天瓊臺雙闕

輿地紀勝 卷十二 兩浙東路 六 懼盈齋

在天台縣兩山自崇道觀西北行二里至元應真人
祠由真人祠取道仙人蹟經龍潭側凡五里至一
轉南三里至一皆翠壁萬仞森倚相向孫綽賦所
謂雙闕雲竦瓊臺中天夏英公竦銘云瓊臺峩薛左
右如闕直上相等蘿交蔓結啓閉雲氣出入日月干
流若綫羣峯如屑凌霄壓海吞吳跨越方干詩云積
翠九層一徑開遙盤山腹列瓊塵藕花飄落崑前去
桂子流從別地來石上叢林礙星斗窗邊瀑布走風
雷縱云孤鶴無雷滯瓊樓玉闕晉白道猷過石橋
定恐煙蘿不放迴
庭瓊樓皮日休文集送內大德游天台有云夢入瓊
樓寒有月注天台山有游風日不風之鄉及
室玉春天台秋鴈蕩續志云游風日不風之鄉及
因其時之貌彼天台嵯峨崔嵬下臨蒼海遙望蓬萊
所宜也
唐崔尙桐
栢山碑

景物上

二奇山海經云謂赤雙巖在臨海縣南一十五里峭
峻並峙為江南諸山之冠

州治三井在天台縣北二十里昭慶院東唐時嘗遣
使投金龍白壁舊傳為尼所觸一井塞其

對焉深不可測或云通海又云海眼李郢詩所謂一
二應潮通海眼咸平中醮祭投龍夏英公竦作銘四

絕謂國清寺也詳見五峯在天台縣北一十里國清
景物下四絕門寺側其峯有五正北曰八

桂東北曰靈禽東南曰祥雲西南曰靈芝西北曰九
映霞前有雙澗合流舊志云號天下四絕之一

峯在黃巖縣東南三里中有菴焉菴丹邱陳越送張
籍仙階貴一隱路深又孫赤城天台山高八千丈

綽天台山賦仍羽入於赤城周回八百里望之
如赤山在臨海縣東南一百三十里絕頂有古塔

壺盛舍利俗傳白巖在臨海縣南二十四里孤絕秀
異林木鱗次以其皆白石故名

梁王登所施

上有龍湫**白山**在臨海縣東南二百五十里按臨海

湖舊傳金鵝於此集**青溪**在天台縣西五里源出天

者**蒼山**在天台縣東四十里按神邕山圖云其山凌

誤即非司馬子微今置觀處絕**蒼嶺**在仙居縣西北

頂睇滄海以其蒼蒼接漢故名**蒼嶺**在仙居縣西北

與縉雲界接**銅溪**在天台縣西北五十里其**銀山**

在天台縣西一十里**玉泉**在州白雲山一楊傑題云白雲山下泉

浮岡俗稱朱師溪**琪樹**李紳一詩石橋峯

陰羽人水葉萬條垂碧**金松**李德浴一詩台嶺生

疑菊葉落落是松枝一一之狀垂條如弱柳結子如

相間**金山**在黃巖縣南七十里上銳下闊宛若金

石橋在天台縣北五十里按天台山記橋頭上有小

在壑上有兩澗合流于橋下橋勢峭峻過者目眩心

悸其橋有尖起高丈餘多莓苔甚滑度彼不得孫綽

天台山賦曰跨穹窿之懸崖臨萬丈之絕溟踐莓苔

之滑石搏壁上之翠屏又朱裔詩會入天台裏看予

度**日山**在臨海縣西五里以其面東朝日視**霞城**

章得象送梵才大師詩云**雲巖**在臨海縣東四十五

京寺栖禪久一一去路長**雲巖**在臨海縣東四十五

故名**雲峯**在仙居縣西二十里**龍井**在州巾子山西麓

有雲氣騰空後**螺溪**在天台縣西一十五里沿崖而上七里

建浮圖鎮之**松巖**在黃巖縣西一百級勁直如削名曰古仙

直進**松門**在天台縣西一十五里沿崖而上七里

百步或云王仙**松門**在天台縣西一十五里沿崖而上七里

姑輕舉之地**桃源**在郡圃守黃留植桃百餘

觀前錢文子建下臨**桃源**在郡圃守黃留植桃百餘

巨壑有梅數十本焉

自深山老圃來偶分符竹到天台漫

山幸可容桃李莫待劉郎去後栽

錢柱山號險絕舊傳有神躍馬于此

故名至今石有馬蹄痕又名馬蹄巖

里巖前峭壁屹立亦號幽石其下竅穴

漏怪石森然由其北捫蘿而下至重

三隱嘯詠之地常有光如月號石月

子詩所謂重巖我卜居鳥道絕人迹

舊志以禽鳥不棲故名靈溪

靈巖在黃巖縣北一十里瑞峯

山賦仍羽人於丹福溪在天台縣北

邱尋不死之

遠路徑

蓋是時已有此名矣

有潭瀑沾漑

水旱不能災

亦何羨於層城

瀛巖在甯海縣東二十五里崖巒險絕

西二十里旁有龍湫每遇旱

致禱必間飄風驟雨之聲

聯屬俗傳一夕浮門

陳盡室避亂于此紹興十五年漁人

視其腹題云臣雷某造縣以獻于朝

乃建炎時渡斷橋白石橋松澗行

海所失物也

居之消山在臨海縣郡國志云山下

境而湖山在臨海縣北四十里按臨

入黃巖者多候潮于此

接中峯

之語

全幽榭小橋橫翠水茂林脩竹鎖輕

亦何羨於層城

亦何羨於層城

懼盈齋

方山 皇朝郡縣志云在黃巖 巾山 在城內陸長倩詩 縣東五里一名永甯山 云邑屋萬家迷向

背江流三面自縈迴又趙企游兜率寺詩一到 眼界寬招提直在翠微間又云漁艇兩三隨月上海

帆八九 屏山 在黃巖縣南八十里其東西二石聳立 趁潮還 如屏故名屏挺立無倚有古藤纏絡之

風雨不凋西屏因 盤山 在黃巖縣西南四十里王十 人半日踏煙霞青山遮幕 鼻山 唐志唐興縣下有

盤千匝歸夢何曾不到家 尾閭 在仙居縣東海中與海門馬筋相直惟高山可 傳為東海泄水 夷洲 寰宇記云在臨海縣四面臨

處詳見夷堅志 赤城奇觀 在郡圃 清平閣 在州治節愛堂右山下 靜

鎮堂 在州治唐李嘉祐為守寶常南薰集贊之 節愛 有雅登郎位鎮靜方州之句故名吳說書 取杜甫

雲水長和島 分繡閣 在添倅廳 交翠亭 在雷海簿廳 嶼青之句 洪適為記 主簿洪皓建

子適有詩云三十年中事鸞棲築小亭寒聲長新籜 清閣拂疎櫺水轉前時綠山濃遠處青重來動問訊

此別記 集寶齋 在清平閣右柳公權及近 流盃亭 在 秋螢 世名人翰墨刻其間故名 東

湖共樂堂之前通判張翊詩云解慍薰風拂面涼藕 花極目送清香三千宮女青羅蓋都作醜顏酒暈妝

曾守宏父題東湖云三年領客醉東湖欲去猶 參雲 攜竹裏厨誰解挽畱狂太守風荷十頃翠相扶 趙彥衛

亭 在雙巖堂左山上前 登瀛堂 在倅廳通判趙彥衛 有羅漢樹頗奇怪 以欽廟所賜唐十八

學士像刻 見山閣 宅後 樂山堂 在清平閣下守尤表 于壁故名 我來始經葺挹翠開戶牖羣山供 舒嘯亭

笑傲萬象皆奔走所以名 一 欲同仁者壽 懼盈齋

卷十二 兩浙東路 十

景物下

赤城奇觀

清平閣

鎮堂

分繡閣

交翠亭

流盃亭

登瀛堂

樂山堂

舒嘯亭

懼盈齋

在參雲 駐目亭 在參雲亭右取杜甫曠望延一之

危亭一望盡寥寞四山聳寒青浩浩凌太 疑思堂 在

虛翮如逐遐征昏花拭病目望處增雙明 疑思堂 在

起堂 思賢堂 在州學祠畢文簡公士元章文簡公得

後 象元章簡公絳皆舊侯有惠政後至宰

輔者 覽眾亭 在天台縣報恩寺淳熙中日本國僧榮

也 所鑄東南十里有嶺曰羅漢巨杉偃蹇絜 共樂堂 在

之大百圍凡供五百大士必於是邀請 共樂堂 在

外東 一鋒亭 在臨海縣尉司舊以舒直為尉斬毆從

湖 知將相材 雙巖堂 在凝 雙瑞軒 在赤城奇觀後以粟

之句故名 雙巖堂 在凝 雙瑞軒 在赤城奇觀後以粟

三老堂 在州學祠羅提刑適陳侍郎公輔陳詹事良

在教 三瑞堂 在甯海縣主簿廳西主簿洪皓建時以

授廳 三瑞堂 在甯海縣主簿廳西主簿洪皓建時以

一故名適以貳車行縣題詩云久矣馳魂夢今登一

一故山有喬木近事話甘棠展驥慚充位占熊憶

問祥白雲留不 萬壑風煙 在倅廳後山吐舊即雲水

住極目是吾鄉 玉霄亭 在參雲亭左取一江演池井

邑粲然在目 玉霄亭 在參雲亭左取一江演池井

最為奇勝 君子堂 在靜鎮 巖老堂 在仙居縣廳

後取孫綽賦赤 君子堂 在靜鎮 巖老堂 在仙居縣廳

城 按陳仙居詩自註云嘗鑿池引水經竹林間以環

流釣翁名臺習坎嘉魚名亭未知在縣治何處今不

可攷 秀麗山 在臨海即芙蓉山也天 惠濟潭 在天台

矣 嘉泰四年夏雷雨涌出金銀藏錢圓徑六 樂安溪

皇朝郡縣志去仙 括蒼山 在州西南十里高一萬六

居縣一百三十里 括蒼山 在州西南十里高一萬六

崙羅浮 一 一 相連石壁上有刊字科斗形高不可

識元嘉中遣名畫寫狀於團扇寰宇記其說與韋羌

山相類恐寰 括蒼洞 在天台縣東南三十里括蒼山

字記誤當攷 括蒼洞 在天台縣東南三十里括蒼山

宮書瓊章寶 蓋蒼山 在甯海縣東北九十里華頂峯

藏四字鎮之 蓋蒼山 在甯海縣東北九十里華頂峯

在天台縣東北六十里蓋天台第八重最高處舊傳
高一萬丈少晴多晦夏有積雪可觀日之出入中黃
金洞有葛元丹翠屏巖在天台縣南二十五里孫綽
井王羲之墨池翠屏巖賦所謂搏壁立之一者是
也清潭山在臨海縣西二十五里淳熙十年秋大水推一
山納陂中山之大小正與陂紫溪洞在甯海縣西北
等林木宛然事見夷堅志紫溪洞在甯海縣西北
僅線路唐寶元元年袁晁據浙東河南副元帥李光
弼擊斬之晁弟瑛從五百騎遁入洞中光弼駐兵洞
口絕其糧道紫籜山在天台縣北三十里舊名竹山
其徒竟餓死紫籜山與天台接唐天寶中明皇夢一
人紫服而朝自稱竹山神來呈瑞鳳翌日果有鳳
翔焉遂陟今名今其側有瑞峯又上有棲鳳亭赤
欄橋晏公類要云在州城臨海門舊經云晉赤城山
寰宇記云在天台縣北六里孔靈符會稽記云赤
土皆赤色狀似雲霞瀑流千仞謂之瀑布真隱訣
云此山下有洞在三十六尖數其山是赤城丹洞周
迴三百里上有玉清平天也顧野王輿地記云赤城山

赤城霞起以建標天台山圖曰赤城山賦云
赤城霞起以建標天台山圖曰赤城山賦云
門丹霞洞在天台觀東北即葛丹霞小洞在天台縣
也舊傳葛元鍊丹于此丹崖山在黃巖縣南四十五
里刺史柳泌於此修藥丹崖山在黃巖縣南四十五
星世傳仙人煉丹於此故名丹井泉在甯海縣天慶
有池深可尺餘又曰煉丹井丹井泉觀舊傳茅盈煉
丹於此尤表昊天殿記云厥初茅君黃珠山在甯
上飛仙靈跡溟沸丹井泉蓋指此也黃珠山在甯
巖山在黃巖縣神號黃巖溪在黃巖縣西一百里源
者也其濱有黃巖烏巖山在黃巖縣西一百三
五區如相拱揖云烏巖山在黃巖縣西一百三
山在臨海白雲城唐沈佺期餞台州刺史袁公序云懷
城中逍遙白雲外而趙企倅天台作別詩云白嶠山
朝游甯海白巖山在臨海白鶴山寰宇記云在臨海縣東二
海縣白巖山在臨海白鶴山寰宇記云在臨海縣東二

里上有深湖中有盤山石前有石鼓俗傳石鼓鳴則
兵亂昔有白鶴飛入會稽雷門擊之聲振洛陽又郡
國志云漢末有餘公於此
山成道控鶴騰空而去
白鵠山 在臨海縣西北六
遙望如倒掛一故名按臨海記云中有深
湖魚大如二百斛舟脩可二丈疑其龍也
白龍潭
在甯海縣西三十五里其上崇巖插空雲氣傾
洞世傳龍與茶山會見鱗甲澡瑩如玉雪然
金鵝
水 在黃巖 金雞石 在臨海縣皇華亭下
西二十里金錢池側一
銀地嶺 在天台縣北三十里
名佛隴峯見傳燈錄
玉峴山 寰宇記云在臨海縣
燈錄錫杖泉 在國清寺
玉峴山 寰宇記云在臨海縣
云黃石山洩水九層沿崖注落如白練東南有鍾乳
穴有伏冀如鵝大其山本名黃石天寶六年改為
玉霄峯 在天台縣三十五里洞天宮上重崖疊障
詩藁云天台院有小閣下臨官道子為名曰玉霄君
曰竹輿衝雨到天台綠樹陰中小閣開勝作玉霄君

會否要知小吏按行來予所領
崇道觀蓋在天台山
玉京洞 在天台縣北
蓋第六 玉屏山 在臨海縣
洞天 玉清平 赤城山上
石城山 寰宇
在天台縣 石樓山 在臨海縣
石鼓山 在臨海縣東一
東三十里 石樓山 在臨海縣
記云黃石村有一山
石龍竇 在臨海縣西北七
上有石似鼓兵革興則鳴
石龍竇 在臨海縣西北七
壁下世傳龍於此出入其展轉挨擦處猶有痕焉下
為大湫不知源所從來但見寶水瀉下噴激如飛練
崖上有三字 巾子山 在州東南一里一百步連小固山
步雲梯徹上層回頭自覺欲飛騰頻來不是塵中客
久住偏宜物外僧下寺鐘聲沉地底前峯塔影落塔
稜 瀑布山 寰宇記云飛瀉遠望如布又按神異記云
餘姚人虞洪入山採茗遇一道士牽三
青羊引洪至瀑布之下曰吾丹邱子也
合旗山 在臨
東一百二十里舊傳僧灌頂居攝靜寺會有寇至頂
講經自若寇見旌旗耀日有神皆丈餘懼而遁故以

名山覆金山在臨海縣詳見龍符山下水簾山在天台縣西南四十里有瀑自巔瀉宛若
今古長垂地晨昏不上鉤唐志唐與縣下有土牆山唐志唐與縣下有
縣岬門山寰宇記引郡國志云在大海中腹有孔
內有大兵吳將平孔海門山寰宇記云在臨海縣東一
海燈壇山寰宇記云在臨海縣西六十里舊圖安洲
山在天台縣東南五里舊名管山又名九旬上有潭
頂勸止之忽一夕風雨旦名禦海潭在臨海縣西南二
視之則為洲矣故更今名十四里上有瀑飛
灑十餘丈望之如曳練臨溪山北二百四十里有二
下注為潭流入永安江嘗居之今呼為寒巖僧皎然
水合成溪名臨寒石山在天台縣北七十里寒山子
溪山因溪名嘗居之今呼為寒巖僧皎然
詩云眾山搖落湫水潭三在甯海縣東南一百里一
盡寒翠更重重名玉溪舊傳吳尚書屈晃生

子坦坦借其母隱于此尋化為龍母淨土院在臨海
亦尸解葬其處世所謂龍母山也縣東四
十五里周弁詩云一逕森森入翠微翠微深處見禪
扉倚雲殿閣光相照蔽日松杉碧四圍竹引澗泉寒
遶屋雨蒸山靄潤侵衣十年游淨慧寺在天台縣西
宦今重到景物依前舊識稀九十里蘆峯
蓋天台十大興道院在仙居縣南三里南峯上有浮
刹之一也圖曰南塔及涵清亭藍光趨稼
二軒下崇教寺在甯海縣西二里舊有均軒左緯詩
瞰大溪云只把山為界紅塵自此分竹窗吟
聽雪苔石坐看雲意靜詩先到心清定光觀在黃巖
道自閑深漸王許輩猿鶴舊同羣西北一
里吳黃武中建有二池葛元嘗以其一煉丹水永
特清旱不枯涸每有靈怪蕩激而起其波高丈餘永
甯山在黃巖縣東五里舊永甯江源出黃巖縣西北
志有大小二源大源出塵山小源三百四十里按舊
出縣山東北至大海與大源合里即古郡
治寺後有泉菴守唐仲友題云萬斛出時非擇地一
泓澄處本無心西有一覽亭丁注題詩云插迥飛簷

聳凌虛壘砌危四天欄下揖萬象掌中窺目力福善

不到處雲容無盡時塵塵皆勝事凭檻幾人知福善

院在天台縣西北七十里寒石山舊名崇福梁開平

扉軒戶開闔於煙雲中故南山之標勝者推寒明二

巖洪适題云峭壁插青冥層巖覆化城中清磬發

幽處慧燈明萬瓦是福應山在天台縣東二福聖觀

雲氣四簷無雨聲福應山在天台縣東二福聖觀

在天台縣西北一十五里桐栢山西南瀑布巖下吳

赤鳥二年為葛元建舊名天台劉昭禹詩云鰲海西

邊地宵吟景象寬雲開孤月上瀑噴善興院在天台

一山寒人異髮常綠草靈秋不乾善興院在天台

六十里圓覺道場蓋僧智顛嘗坐於此故有定光招

手石古語云定光金地遙招手智者江陵暗點頭是

也王姥山晏公類要云在仙王城山在黃巖縣南七

如城本名景德國清寺在天台縣北一十里舊名天

方城山此夢定光告曰寺若成國即清大業中遂

顛修禪于此夢定光告曰寺若成國即清大業中遂

改名國清李邕記所謂應運題寺是也寺左右有五

峯雙澗號四絕之一晏公類要云寺有五峯回合溪

澗縈抱寺上有兜率臺錫杖泉皮日休題云十里松

門國清路飯猿臺上菩薩樹怪來煙雨落晴天元是

海風吹瀑布又陸龜蒙詩云峯帶樓臺天外立明河

色近采恩濕松間石上定天台山隋志屬臨海縣唐

僧寒半夜檣溪水聲急天台山隋志屬臨海縣唐

記在天台縣西一百一十里臨海記云一丈周回八

秀出山有八重視之如一帆高一萬八千丈周回八

百里又有飛泉垂流千仞似布啓蒙記注云一一

去天不遠路由油溪水深險清冷前有石橋路逕不

盈尺長數十丈下臨絕澗惟忘其身然後能濟濟者

梯巖壁援藤葛之莖度得平路見一一蔚然綺秀

雙列於青霄上有瓊樓玉闕天堂碧林醴泉仙物畢

具也晉隱士白道猷過之獲醴泉紫芝靈藥今石橋

有名相山又道書所謂玉堂一一其山八重視之

如一中有金庭不死之鄉許邁與王逸少書云自山

陰至臨海多有金庭玉堂仙人芝草也抱朴子內篇

云諸山不可鍊金丹皆有木石之精唯太華少室羅

浮大小台正神仙所居助人為福可以修鍊又一名

桐栢泉嶽之極秀者也荆公送僧游天台詩天台一

真也記秀

兩浙東路

萬八千丈歲晏老僧攜錫歸前程
 好景解吟否密雪亂雲緘翠微
 一峯孤秀峭峻與天台相對曰
 行人仰望如在天表又仙居縣
 在縣西四十五里高二千一百
 有巖室有窗無戶寮中望空似
 石悉五色上源有石壁刊字如
 中遣畫工模寫山狀圖於白圓
 刻此壁李白夢游天姥吟天姥
 嶽掩赤城台一萬八千丈對此
 平寰宇記載括蒼山刊天封寺
 字科斗與此相類當考隋時僧
 入山見一老父告之師卜菴遇
 其後果如所告遂結廬焉因自
 巖縣東南五十里限山下極清
 田千頃故老相傳以為不假浚
 山在甯海縣北六十里按漢地
 有甯海縣北六十里按漢地理
 之南甯海縣北六十里按漢地
 海之北天柱山在天台縣西九十
 壽星巖在甯海縣西南一百

里一名老人以山摘星巖在甯海縣南三十五里左
 如老人狀故名緯詩云已知星可摘須信
 路難通日影穿雲薄天形入水空遙看梁苑
 雪獨揖楚臺風指點中華地山河萬國雄
 圖經在仙居閩風臺在甯海縣北五十里天門山西
 縣五十里舊圖經云在臨海縣西五十一里
 釣臺白常風山舊圖經云在臨海縣西五十一里
 竹岡在蓋竹山舊傳仙人上昇於此石累
 石三層牧孺戲其上以手轉之不墜仙石山
 在臨海縣山有館土人謂之黃公客堂靈石山
 西邊有石步廊即王方平所游之地
 臨海縣山有寺當孫恩叛時毀材木以為船舸山
 石即於空中自然而落賊每有所傷故曰
 巖淨土寺在黃巖縣西北四十五里其山石皆紫色
 雲外入人自海邊還禪榻紅塵斷經
 窗白晝閑玉蓮生有處香滿翠微間
 三十里泓深特甚前橫石檻廣三丈許脩四丈有奇
 有石室可容百人巖貯聖像且有石虎石馬之類

桃都山 按郡國志在台州山上有大桃木 松門山 在

巖縣東南一百二十里按王羲之游西郡記云 蓮華

峯 在天台縣南三十五里 栢香峯 在天台縣北六十里

陰崖垂芙蓉洞 一名石鼓洞在臨海縣東一百四十

相芙蓉山 臨海記云州東北七十里海中有一石鼓大小

連芙蓉山 智者禪師傳云出海口若紅蓮之始開唐

天寶六載改桐栢山 寰宇記云在甯海縣西五十里

為秀麗山 桐栢山 寰宇記云在天台縣西北二十五里

死之 桐栢觀 唐景雲中白雲先生司馬承禎置自福

鄉觀西北至此觀皆懸崖磴道盤折而上長松夾道

至于洞門唐史云中有洞天號金庭宮即王子晉之

處也陶隱居真誥吳有勾曲之金陵越有桐栢之金

庭三災不至洪波不登實不死之福鄉養真之靈境

也孟浩然宿天台詩 蓋竹山 九域志或名竹

息陰憩桐栢采秀弄芝草 詩 蓋竹山 九域志或名竹

石橋橋上有小亭橋龍形龜背架在壑上月桂子 唐

有兩澗合流於橋下洩為瀑布在臨海縣 月桂子 唐

拱四年三月降芳香有桂味食之和暢台州司馬孟

洗冬官侍郎狄仁傑以聞皮口休詩云玉顆珊珊下

月輪殿前拾得露華新至今不 龍符山 寰宇記云在

會天中事應是嫦娥擲與人 龍符山 寰宇記云在

覆釜山山上有巨跡是夸父逐月之 龍鳴山 在黃巖

所吳越春秋云夏帝登此得龍符 龍鳴山 在黃巖

百二十里上有龍鳳象鼻巖 在臨海縣西三十五里

舊傳龍鳴其上故名 象鼻巖 在臨海縣西三十五里

潭虎頭山 在臨海縣 挂鶴泉 晏公類要引臨

山有池泉垂瀟遠望 臥龍山 在甯海縣東南一里一

如倒掛白鶴因名焉 鳳凰山 在天台縣東一十里孫綽

名舊有鶴林菴 鳳凰山 賦所謂觀翔鸞之濟濟聽

鳴鳳之嗈嗈 鴻鶴山 有二一在臨海縣西七十里獅子

意即此地 鴻鶴山 里一在縣西北六十五里獅子

巖 在天台縣東四十里繫盤 三童山 在黃巖縣西南

丈上有三峯各高數百丈狀童子因以為名

三門山 圖經云在甯海縣東四

絕寺 晏公類要云齊州靈巖荆州玉泉

東南一百里東連大閭山臨海記云

聳立大可百圍上有叢木如婦人危坐俗號消夫人

父老云昔人漁於海濱不返其妻攜七子登

此望焉感而成石下有石人七軀蓋其子也

在天台縣北五十里按地里志云天台山有

在臨海縣東南七十五里以其路縈回九

轉故名絕頂可眺大海有小寺亦以山名

台縣東北三十里僧智顛宴坐立道場處孫

綽賦所謂既克濟於路威夷而脩通也

在天台縣西北其山昔**百丈巖** 寺在天台縣瀑布

王逸少與支遁林嘗游覽焉

溪名虛溪**萬竹山** 在天台縣西南四十五里絕頂曰

寺今廢**萬竹山** 新羅九峯回環道極險隘嶺上見

謂薄敷秀平廣幽窈自成一村薛左丞昂詩所

院 在仙居縣西南四十五里其地深窈與塵境絕山

居**高相山** 在臨海縣東北一百三十五里有穴

山在天台縣西一百八十里西接東陽南

城內州廨宇在其下晉隆安末孫恩為寇刺史章景

休率士庶於此山鑿山為壑守之賊不敢犯因得名

圖經又有**大雄山** 在臨海縣東二百

小固山**大慈寺** 在天台

修九里舊名修禪或名禪林隋時僧智顛建蓋顛思

之隋朝所賜**中津橋** 在臨海縣南一里脩八十六丈

寶冠尚存**東掖山** 在臨海縣東北四十五里以其

海縣東九十一里天台左掖故名上有隔塵亭

記山極高遠蓋禹隨山刊木因以為名晉任

東鎮山 在黃巖縣東二百四十里臨海記云洋山東

百里有東鎮大山去岸二百七十里生昆布

海藻甲 委羽山 在黃巖縣南十里山東北有洞世傳
香磬等 僊人劉奉林於此控鶴輕舉嘗墜翻
焉故以 招賢洞 在臨海縣西六真隱山 在臨海縣西
為名 三百里與仙居韋羌山相接 馮師山 在仙居縣女道
寰宇記高一萬六千丈周回 馮師山 在仙居縣女道
三百里與仙居韋羌山相接 馮師山 在仙居縣女道
此 金仙洞 在臨海縣東一百五十里石新婦山 寰宇
在臨海縣東一百里山旁有奇石如婦人之狀 仙人
宋文帝遣書工模寫山狀時人盛圖於白團扇 仙人
渡 縣北 劉阮洞 在天台縣西北二十里漢永平中
之覺身輕行數里至溪澗有二女方笄笑迎以歸 麻
雷半載謝去至家子孫已七世矣見續齊諧記 麻
姑巖 在天台縣西南二十五里一名仙姑巨石谿
一像 羅漢巖 在臨海縣西新羅嶼 在臨海縣東南
存焉 羅漢巖 二十五里 新羅嶼 三十里昔有新
羅賈人艤舟 新羅山 在臨海縣西三十里與八疊相
於此故名 望鳥道瓚阮多野果土人利之

許孝山 在臨海縣北四十五里舊傳有許其姓者
滴泉 在黃巖縣西北四十里瑞巖舊傳有如意道人
令王然作頌有菴前滴滴 韋羌山 在天台縣西四十
泓泉水流出心源嗣祖風 韋羌山 在天台縣西四十
臨海記云此泉山之最高者上有石壁刊字如科斗
陳襄題云去年曾覽韋羌圖云有仙人古篆書千尺
石巖無路到不 運羌山 皇朝郡縣志云一名天姥 辛
知科斗是何如 運羌山 皇朝郡縣志云一名天姥 辛
渠水 天禧三年春通判辛若濟以州人水泉汗鹵且
有潭其水雖旱不絕因 張阜潭 在天台西北三十里
地用管引至井以濟民 張阜潭 在天台西北三十里
之波浸沙石 教忠崇報寺 在黃巖縣西五十里東晉
潮退復平 教忠崇報寺 在黃巖縣西五十里東晉
仁王經而甘露降遂名露山後以寇孫恩屯兵其處
忽有石飛擊之退遂改名靈石有隋智顛繙經臺唐
李義山 太平巖洞 在臨海縣西三十五里因鄉得名
著書堂 太平巖洞 在臨海縣西三十五里因鄉得名

之類**太平興國寺**在天台縣東北二十五里智顛第六
類坐石石鼓石牀看經臺皆**嘉祐院**在州北一里僧
道場後更名善建前對香爐峯又有
顛經行處也上有雷風堂
得宋參政庠以下一百四十五人所
書般若經復自刺書維摩經附焉
一十五里括蒼山下吳葛元遊歷至此山有景雲覆
地遂築室為煉丹之所詔遣官吏建候神職仍賜號
焉今丹井尚存

古迹

金鰲山善濟院御座

在臨海縣東南一百二十里金
鰲山本祥符塔院建炎四年高
宗游幸賜今額泊金三十兩度僧三人有御座尚存
西有如畫軒下瞰長江前挹海門諸峯寺壁舊有詩
云壯礪灘頭一艇橫夕陽多處待潮生與君不負登
臨約同向金鰲背上行雲麓漫抄云章安鎮祥符寺

法堂有高廟御座寺僧師顏言建炎四年天子航海
泊金鰲山幸金鰲雷十四日幸永嘉復幸金鰲捷書
至航海由四明還紹興寺壁間有詩云黃帽當年駕
舳艫東浮鯨海出三吳中興世業風波惡好作君王
坐右圖不**大中祥符寺御座**在臨海縣東南一百十
著姓名**禹鐘**續志云在天台之洞天宮唐名玉霄宮
幸有御**禹鐘**續志云在天台之洞天宮唐名玉霄宮
座尚存**禹鐘**續志云在天台之洞天宮唐名玉霄宮
斤形如鐸上有三十六乳**洞天宮鐘**宮在天台縣西
隱起之文相傳夏禹所鑄**洞天宮鐘**宮在天台縣西
上有大鐘漢乾**天慶觀鐘**觀在州北一里一百步上
祐三年所鑄**天慶觀鐘**觀在州北一里一百步上
妙勝院鐘院在州西一百步鐘乃**章安城**在臨海縣
十五里本漢回浦縣屬**古城**在黃巖縣南二十五里
會稽郡後漢改為章安**古城**在黃巖縣南二十五里
僅存二尺厚四丈內城周五里有洗馬池九曲池故
宮基址密一十四級城上高木可數十圍故老云即
徐偃王城也城**孫恩城**在黃巖縣南九十里嶠嶺高
東偏有偃王廟**孫恩城**在黃巖縣南九十里嶠嶺高

云妖賊孫 戶曹巷 在州東一里以唐鄭虔為戶曹日
恩所築 戶曹巷 居此故名杜甫題鄭著作詩云台
州地闊海冥冥雲水長和島嶼青亂 蔡內翰巷 在州
後故人雙別淚春深逐客一浮萍 蔡內翰巷 在州
二百八十步紹興中 新羅坊 在黃巖縣東一里舊
人居此 柳泌宅 晏公類要云赤城洞天在天台觀東
故名 柳泌宅 北即葛仙翁煉丹之所也憲宗時柳
泌自復州石門山詔授台州刺史泌至此不之郡蔡
便至茲山下領務修藥今天台觀東有 蔡
京故宅 在天台縣東南二十里舊名 晉井 在黃巖縣
輒皆太和 懷義橋 在臨海縣東二里乾道六年守向
二年字 懷義橋 洵建或云尉舒直斬惡少於此又
云僧懷義 城隍廟 在州大固山東北唐武德四年建
建故名 城隍廟 初吳尚書屈晃妻夢與神遇生子
坦有神變能興雲雨後與母俱隱山中 鄭戶曹祠 在
及是以屈氏故居為州治祀為 鄭戶曹祠 在
東一里戶曹巷 滕戶曹義靈廟 在州治後山北祀滕
唐鄭虔所居也 滕戶曹義靈廟 戶曹膺宣和二年陸

寇方臘嘯聚聲搖二浙膺白郡請為備不聽已而民
逆走膺慰集誓以死守鳩土豪鄉兵及營壁子弟教
習號忠義兵未幾仙居寇呂師囊應臘攻城守以下
且遁膺躬擐甲與戰日戰數十合卒磔師囊城遂全
泊去民為立祠朱文公記云往歲盜起幫原連陷六
州戎毒所加民無噍類而吾台人獨全其室家仰父
無以慰吾世不絕以至於今者滕侯力也沒而弗祀固
蔡以抗狂敵台人為立祠祀之名 劉阮廟 在天台縣
其廟曰義靈開禧改元加謚忠惠 劉阮廟 西北三十
里雙闕下世傳二 慈感廟 在仙居縣北六里祀杜氏
仙所至即其處 慈感廟 二女唐天寶中合鍾離介
建按廟記二女生隋大業末家鬻湯餅甫笄喪父母
庖人挑之二女憤激殺庖人去而之孟溪隱焉會溪
溢死後介寓長安夢二女揖曰吾家孟溪君今中第
尹吾邑矣後果如其言入境見二枯骸望藤上即取
斧斧藤藤流血斲石亦流血及舉其 晉王昏墓 在
巖縣南七十里樓崎山墓輒螭形魚文貫 唐豐尚書
以柳或為錢狀旁有文云晉永和十二年

墓在天台縣二里豐家橋近人有穿土得之墓記云尚書五子最幼者名干為僧即豐干也任隱

君墓在臨海東九十里東刊山南有石麟文有九女冢乃其女弟之墓元相國墓在

海縣東十五里舊傳唐元稹之後嘗為州通判而死於此今城東有元其姓者居之滕忠烈侯

膺墓在天台縣北七里膺墓呂丞相頤浩墓在臨海縣西北

績院左呂薨時陳侍郎公輔營其柩于海上至一富家得之發其蓋有朱書呂安浩三字即主者姓名可

也**范丞相宗尹墓**在臨海東四十五里報恩衍慶院側

官吏

吳范平錢塘人該覽百籍嘗舉茂才有異政見吳志晉王述太原人司徒

政清肅盡孫綽為臨海令嘗作天宋謝靈運自祕書

日無事孫綽台山賦見本傳

海太守郡有名山水靈運素所愛好遂肆意遨游徧歷諸縣所至輒為歌詩又作山居賦江秉之

約見稱所得祿秩悉散之親故臧喜太守綏輯招

聚流散歸之王均七歲能屬文嘗為司徒左長史尋

馬中書庶子吏部至臨王琇甯南山伐木開徑直至

臨海從者數百一駭為寇至已乃知為靈運也靈運

要之游不可贈詩有邦君難地峻旅客易山行之句

齊孔琇之會稽山陰人有吏能自奉清約罷郡獻

劉潛時憲令疏闊百姓多不遵業潛緩御唐來濟先

同中書門下二品高宗將以武氏為駱賓王文集序

后濟諫上怒移台州刺史見本傳

仕至侍御史後以天后即位頻貢章徐裕永正元年

疏諷諫因斯得罪貶授臨海縣丞姚鵠擢

年劉禹錫贈衢州徐史君詩云聞道天台有

遺愛人將琪木比甘棠注云徐自台還衢

輿也記券

士第有詩集行於世見唐藝文志亦有尋趙尊師詩見天台集

杜甫有得台州成公子安晏公類要云為臨海令

士元以大理丞知州時吳越入朝以善撫摩得譽奏

景德拜同中書門下平章事諡文簡張君房字尹方

宰章得象寶元初以戶部尚書同中書門下平章事

諡文元絳錢塘人以屯田員外郎知州時郡大水民

流冗復業又增築城壘以禦湍流滕膺呂成脩城記

民歌之熙甯中除參政諡章簡滕膺呂成脩城記

發仙居闖虛架入笑薄欲登時則戶掾滕君膺帥厲

吏士禦以方略寇不為患父老紀焉詳見古述門朱

文公作滕陳襄為仙居令政尚教化首闢縣庠養

戶曹廟記陳襄士始向學官至樞密直學士

肇登進士第陳瓘號了翁建中初上疏辨宣仁石公

調黃巖簿陳瓘誣謗得罪京下坐謫台州

彌新昌人嘗為中丞論豐稷京又論章子厚後貶台

州許景衡字少伊為梅執禮授累遷戶部尚書會女

真犯闕責金帛無藝一一與謝克家年以朝奉大夫

陳知質等抗辭以白遂死之謝克家年以朝奉大夫

龍圖閣侍制知州吏治精明人不敢犯先為諫議大

夫言蔡京事甚力又明元祐黨籍之枉公論建之遺

命葬黃巖靈石楊煒為黃巖令開官私河用工一百

山子孫因家焉楊煒為黃巖令開官私河用工一百

嘗移書參政李光詆相秦王淮婺州人初為臨海尉

檜為豪民所訴赴大理獄王淮婺州人初為臨海尉

神公欲伐之郡守蕭振夢神人告急者至再夢中詰

之汝何不自往告之神云尉當作相左右呵護甚嚴

無得而前振頗異之公至郡振詢公公愕然曰實欲

伐之不知何從而知振曰勿伐足矣不必究其所自

事見靈唐仲友東陽人以朝奉大夫知州修學建中

谷雜記唐仲友東陽人以朝奉大夫知州修學建中

建利涉橋呂祖儉弟政崇教化獄訟清平除太府丞

功次中津呂祖儉弟政崇教化獄訟清平除太府丞

輿地紀勝 卷十二 兩浙東路

輿地紀勝 卷十二 兩浙東路

輿地紀勝 卷十二 兩浙東路

輿地紀勝 卷十二 兩浙東路

輿地紀勝 卷十二 兩浙東路

輿地紀勝 卷十二 兩浙東路

後以言韓黨貶
死贈直祕閣

人物

吳屈晃

舊經云郡人吳志作汝南人為尚書僕射時

還鄉里

後皓即位封其子緒為東陽亭侯張悌臨海

弟韓恭

為立義都尉緒亦位至尚書僕射

吳丞相

天紀四年為黃他為章安小吏身當白

晉兵所

殺見吳史

叔居章

安弟犯公晉任次龍章安人立操清修隱居

召不齊

顧歡鹽官人字景怡年二十隱天台山開館

起

勞之句輒執書勸哭學梁庾肩吾字子真新野人

者廢蓼

莪篇高帝召不起

台故哀

江南賦云少鄭徵君白樂天集有題鄭祕居詩注

微真人

天台逸民

云鄭生嘗

隱天台徵起而仕今復謝病隱於此溪中

詩云鄭君

得自然虛白生心胸大君正元初求賢致

夔龍俛仰

受三命從容辭九重新居寄楚山山碧溪

溶溶時人

不到項斯郡人字子遷按張為唐山詩主客

處苔石無

塵蹤項斯郡人字子遷按張為唐山詩主客

擢進士第

官至丹徒尉許渾字用晦大中間為睦郢

張洎集序

作江東人許渾字用晦大中間為睦郢

國朝楊蟠

臨海人字公濟歷通判杭州終知壽州按

郭琮黃巖

人少喪父事母極孝絕葷醴三十年以祈

聞詔表

余元卿黃巖人父死自剔其目誓不他適宣

和寇亂

願焚身以報寇定欲償前誓母力止之燃一

指以謝

左鄴湖有詩云鄴台州人左譽之弟寓臨安西

輿地記勝

卷十二 兩浙東路

信 懼 齋

不見洛陽圖白髮但知郿陂積黃金直言動便遭羅織舉目靈知有照臨炙手附炎俱不見可憐泥澤滿陰節婦陳氏臨海人貢士朱伯履妻年少夫亡有欲甯速死忍聞此言引刀欲到姑亟奪之乃免事父母姑舅至孝詔特封安人旌表門閭

仙釋

周王子晉

弼真人掌天台水旱圖經

漢徐公

郡人居

功成以鐵錐刺穴有白鶴自石鼓飛出駕之上昇按郡國志云漢末有徐公和於此山成道控鶴而去意其人茅盈茅濛傳云神仙得者茅初成駕龍上昇入濛字初成即盈之高祖言盈自華陽洞天徙治赤城赤城在海上海近蓬萊荆公詩華陽仙伯有茆卿官府今傳在劉晨阮肇續齊諧記云漢永平中入天台山赤城迷路經旬飢甚登山見桃有數實

晨肇食之覺身可輕舉下視巖間見孟盤茵蓆浮波而下遂行數里溪山雲物甚異人間溪畔有女臨水持盃而笑曰二郎何來之暮留半年請歸及家子孫已七代矣時晉元康元年也王荆公詩着意覓幽蹊

桃花悞唐司馬承禎字子微隱居桐栢山玉霄峯號劉阮欲加寵位固辭而歸公卿悉賦詩以送時盧藏

用早隱終南後登朝列及承禎將還天台藏用指終南曰此中大有佳處徐曰此乃仕宦之捷徑

爾先告而終忽若蟬蛻弟子歛空衣葬之道士徐靈府臨安志云天目山人居天台靈蓋峯虎崑石室

著元鑑五卷柳泌孫氏六帖云方士不出後遂絕粒嘗天台記三卷

太一子孟浩然越中逢天台詩登陸尋天台赤城中道遙自雲外又尋天台山詩吾友王遠知

龍城錄上元中台州一道士善易知人死生禍福作易總十五卷世秘其本一日曝書忽臥內雷

殷殷然赤電造室暝霧中一老人下叱一怒日所
泄者書何在上帝令吾攝六丁雷電追取傍見青衣
已捧書立矣一曰青邱老人以臣不逮故傳授焉
老人頤頤頤頤曰上帝勅下汝仙品已及子壽度期二
十四年二紀數也一曰雷所取將書乃易總耳韓
愈調張籍詩云仙官勅六丁雷電下取將蓋用此事
唐杜光庭字聖賓天台人或曰括蒼人號東瀛子為
入道初從僖宗入蜀有王仙姑黃岩人小名子松家
文集百卷終於上清宮王仙姑岱石村行至石櫃山
遇仙豐干寒山拾得正觀中閻邱守嘗問豐干天台
成道不見欲見而識不得取相國清有寒山拾得狀類風
狂歌笑不常蓋普賢文殊後身也公至宜謁之至則
二人方據火談笑問邱遠作禮二人云豐干饒舌耶
遂握手出門而去其後寒山隱寒石山拾得隱祥雲
峯遺跡可攷獨豐不知所終又傳燈錄云天台寒山
子者本無氏族始豐縣西七十里有寒暗二岩以其
於寒岩中居止得名也
頌三百餘首傳布人間 智顛禪師晏公類要云國

嘗到國清西天大師續志云有菴在天台超上人孟
寺學算法歸天台詩天台山最高動躡赤城霞何
野送雙目掃山除妄花何以潔其性瀟泉去泥沙遺
以淨遺身笑文穎上人詩既歷天台去言過赤城東
身獨遺身華文穎上人詩既歷天台去言過赤城東
我牽名華文穎上人詩既歷天台去言過赤城東
莫說人間事智者禪師劉長卿送楊三山往尋天台
崎嶇塵土中智者禪師劉長卿送楊三山往尋天台
城上曠曠初日圓昔聞智公隱此地常安禪千載已
如夢一燈今尚傳雲龕閉遺影石窟無人煙古寺
鳴細泉秀禪師司空曙寄天台詩云天台
空門無住持霜晴看鶴去海夜與國朝張用誠郡人
龍期承願親瓶履澄心得問疑與國朝張用誠郡人
叔嘗入成都遇真人得金丹術歸以所得粹
成秘訣八十一首號為悟真篇已而僊去

碑記

天台觀葛仙翁篆

晏公類要云吳赤烏元年為葛仙翁所建其篆額即仙翁親篆

桐栢山金庭館記

集古錄南齊沈約造兒珪之書永泰中因地名建館曰金庭宮置道

士十人蓋道士自敘之言非約所撰其謂之造

者疑如後世立碑之類爾碑以永元三年立 桐栢

觀勅

唐景雲二年 桐栢頌 集古錄唐崔尚擢文韓擇木八分書碑天寶元年立 修桐

柏宮碑

集古錄唐元禎撰顏闡書景雲中道士徐靈府等重葺碑以大和四年立 國清寺

記

唐柳公權書額 老君真容碑 在州天慶觀內 佛窟禪師

碑

唐大和六年 在天台縣 道元院碑 在天台唐乾符二年 天台禪林寺碑

在大慈寺

智者大師修禪林道場碑 在天台縣唐大隋陳司徒廟

禪林寺智者大師畫讚

在天台縣唐大歷中顏真卿文

碑 唐乾符二年

台州刺史杜雄墓碑

唐文德元年碑陰有蔡大丁廟

記 今在臨

台州司馬韓光乘真贊

唐先天元年 杜夫

人墓銘

唐光化二年 在臨海縣

金像寺

在仙居縣西三十五里歲久無碑識惟石幢巋

然唐垂拱

吳越王題梁

續志云在城之兜率寺有上三年立也

清閣唐人題梁

在崇道觀 吳越錢氏用契丹會同年號 臨海

慶恩院及定光院皆書曰石晉會同元年建臨海明智院及明恩院皆書曰石晉會同而建而通鑑石晉無會同十年號又婺州圖經義烏真如院亦云吳越錢氏會同十年建而吳越止有寶大天寶保正三號亦無所謂會同象之謹按東都事略載遼主德光以天福三年改元會同至開運四年南牧歷年圖載天福三年歲在戊戌而會同十年歲在丁未是歲正德光南牧之時去天福三年整整十載意者錢氏奉德光之正朔則丁未之歲乃契丹會同十年然婺州真如院書會同十年建尚是契丹入汴之時恐吳越奉其

正朔若赤城志所書會同元年則正是石晉天福三年晉高祖尚都汴為中國主不應錢氏乃越石晉而奉契丹正朔也比之婺州真天台集李兼續集李如院所書年月無據當攷

李兼序 舊圖經 教授余 赤城志 陳耆卿編

詩

露冕新承明主恩山城別是武陵源花間五馬詩行

縣戶外千峯常在門劉長卿送李使君海迫日月近天高星

漢秋長孫佐輔聞韋駙馬拜台州魚多知海熟藥少覺山貧賈牧送友

人赴天台幕見說海西隅山川與俗殊宦游如不到仙分

即應無資吟集送台州唐與陸明府天台眾峯外華頂當其空有

時半不見崔嵬在雲中靈澈天台山華頂十里行松色千重

過水聲僧清晝送重鈞上人游天台聞君採奇石剪斷赤城霞潭

上倒紅影波中搖日華仙巖接絳氣谿路雜桃花若

值客仙去便應隨海槎李德裕謝臨海太守得赤城石天台山最高

動躡赤城霞孟郊送超上人歸天台遂登天台望眾壑皆嶙峋

夜宿最高頂舉頭看星辰光芒相照燭南北爭羅陳

茲地絕翔走自然嚴且神微風吹木石澎湃間韶鈞

夜半起下視波光銜日輪韓愈送惠師台嶺攀新桂桃源

訪舊花孫奭送張無夢緬尋滄海趨近愛赤城好孟浩然宿天台桐栢

登陸尋天台順流下吳會茲山宿所尚安得聞靈怪

上逼青天高俯臨滄海大雞鳴見月出每與神仙會

來去赤城中逍遙白雲外莓苔異人間瀑布作空界

福庭長不死華依舊稱最孟浩然越中逢天台太子天台連四

明日入向國清五峯轉日色百里行松聲李白送王屋山人

靈溪恣沿赴華頂殊超忽石梁橫青天側足履半日

前我家小阮賢剖竹赤城邊詩人多見重官燭未曾

燃李白送楊山人歸天台天台隣四明華頂高百越門標赤城

霞樓棲滄島月凭高遠登覽直下見溟渤雲垂大鵬

翻波動巨鼇沒風潮爭洶湧神怪何翕忽觀奇跡無

倪學道心不歇攀條摘珠實服藥煉金骨安得生羽

翰千春臥蓬闕李白題桐栢觀掛席東南望青山水國遙舳

艫爭利涉來往接風潮孟浩然舟中曉望問我今何去天台

訪石橋坐看霞色曉疑是赤城標同羣巒趨海嶠千

里黛相連劉長卿送楊山人游天台天台隔三山風浪無晨暮

杜甫有懷台州鄭司戶台州地闊海冥冥雲水長和島嶼青杜甫

送鄭著作為農山澗曲臥病海雲邊鄭虔云老蒙台州掾泛泛浙江樂杜甫得

台州鄭虔司戶消息云鄭老身仍竄台州信所傳路入仙溪氣

象清垂鞭樹石罅中行霧昏不見西陵岸風急先聞

瀑布聲山下縣僚張樂送海邊津吏棹舟迎文苑英華方干

送錢特卿赴天台東南去路落斜行入樹穿林見赤城遠近

常時皆藥氣高低無處不泉聲

文苑英華云方干才送孫百篇游天台

多不肯限容身老大詩章轉更新選得天台山下住

一家全作學仙人

張籍送辛少府

羽客笙歌此地違離筵數

處白雲飛蓬萊闕下長相憶桐栢山頭去不歸

宋之問送

人游天台

身非居士常多病心愛空王稍覺閑師問寄禪

何處取浙南青翠沃洲山

鮑溶送僧游天台

此去臨溪不是

遙樓中望見赤城標不知疊嶂重霞裏更有何人度

石橋

顧况臨海所居

石橋人不到獨往更迢迢乞食家山少

尋鍾野寺遙松門風自掃瀑布雪難消秋夜聞清梵

餘音逐海潮

劉文房送微上人游天台

百歲幾回同酌酹一年今

日最芳菲願將花贈天台女畱取劉郎到夜歸

白居易醉

中憶昨天台到赤城幾朝仙籟耳中生雲龍出水風

聲急海鶴鳴臯日色清石笋半山移步險桂花當洞

拂衣輕今來盡是人間夢劉阮茫茫何處行

張承吉憶天台

一到天台寺高低景旋生共僧巖上坐見客海邊行

野色人耕破山根浪打鳴

杜荀鶴天台

尋花洞裏連春醉

望海樓中徹曉吟

前人寄臨海姚中丞

因話天台歸思生布囊

藤杖笑離城不教日月拘身事自與煙蘿結野情

前人

送項上人歸天台

盧耽佐郡遙川陸苦迢迢風景經吳會文

章變越謠煙林繁橘柚雲海浩波潮余有靈山夢前

君到石橋武元衡送人赴台州天台四萬八千丈玉京五城十

二樓欲乘西風跨獨鶴直度南斗騎牽牛蔡天啓送蔡翺知台

州海上名山屬史君石橋琪樹古來聞他時畫出白

團扇乞取天台一片雲僧清晝送台守邢濟使君家是八仙家

不負黃菁與紫霞麥壠兒童行竹馬月樓鼓角度梅

花彩牋吟就雲初合玉局碁殘月半斜聞說握蘭消

息近星郎昨夜倍光華舒亶寄台州守聞說天台太守家全

家日日在煙霞四郭青山連市合一江寒水抱城斜

紫芝黃鶴應相識梅福年年鬢欲華前人盡日書齋無

案牘有時佳客上雲霞清心身照江湖水和氣長開

草木花前人赤城山下萬人家隱隱煙霄隔海霞名上

仙書皆鳥迹盃中佛供薦天花前人天台瓊臺標奇狀

赤城瀑布懸千丈王欽若送張無夢歸天台山三井應潮通海浪

五峯攢寺落天花獨尋台嶺閑游去豈覺靈溪萬里

賒李郢送僧之天台江入章安波浪寒仙山縹緲在江干許景

衡寄台州守劉襲明水流玉洞桃花出風過星壇桂子飄章得象送

張無夢金庭霞標雲半中巖扉洞戶凌太空錢惟演送張無夢

天台峻極橫海濱金庭紫洞多真人查道送張無夢赤城道

遠霞明晝瀑布聲寒月照冰張師德送梵才大師忽憶幽棲地

千峯秀海濱楊大雅送梵才大師師住天台寺天台水石幽李宗

才諤送梵大師 山人之所隱臨海赤城間天台峯峩峩剡水

聲潺湲陳堯叟送張無夢張公結廬天台山赤城霞起三千

丈初暉送張無夢赤城橋東見月夜佛隴寺邊行月僧閑踏

莓苔繞琪樹海光清淨對心燈鮑溶寄天台準公赤城千仞

聳霞標聞說精籃近石橋呂夷簡送梵才大師穹窿台嶽壓重

溟中起青鴛接福庭錢惟濟題護國寺明年採藥天台去更

欲題詩滿浙東東坡游人行盡天台路山家杳杳知何

處惟有山前一派溪落花依舊流春暮楊傑前瞻鴈蕩

秋最奇北山天台春更麗兩山特峙天下間一郡安

閑介茲地綦崇禮豈堪滄海畔為客十年來唐任翻賦台州早春

四六

矧赤城本今古之福庭在虛越為東南之佳郡林豈塵賀

張守啓惟是天台名于浙左山水神仙之窟魚鹽市井

之饒霞起赤城名擅與公之賦雲和青嶼繼傳子美

之詩唐仲友惟是天台之壤實為日甸之躔山複海深

舊稱佳處民醇事簡今匪昔形前惟天台之古郡實

海嶠之名邦地闊冥冥雲水常和於青嶼色齊兩兩

星躔上應於六符前赤城大郡浙右名藩事俗陶朴

野之風民業魚鹽之利矧茲偏壘邈在炎陬張孝實

輿地紀勝卷第十二

輿地紀勝

卷十六

兩浙東路

關

耀
勁
五
齊

處

耀
及
五
齊

